

BANKA E SHQIPËRISË

B U L E T I N I
Z Y R T A R

vëllimi 23 numër 11 dhjetor 2021

Data e botimit: 31.12.2021

P Ë R M B A J T J A

1. Vendim i Këshillit Mbikëqyrës të Bankës së Shqipërisë nr. 72, datë 22.12.2021 "Për miratimin e rregullores "Për organizimin e brendshëm të funksionimit të sistemit të pagesave ndërbankare me vlerë të madhe – AIPS dhe sistemit AIPS EURO"	5
2. Vendim i Këshillit Mbikëqyrës të Bankës së Shqipërisë nr. 73, datë 22.12.2021 "Për miratimin e rregullores "Për raportimet në Bankën e Shqipërisë të zërave të bilancit të institucioneve të kreditit dhe të institucioneve monetare financiare"	31
3. Vendim i Guvernatorit nr. 5822, datë 30.12.2021 "Për caktimin e shtesës kundërciklike të kapitalit"	58
4. Treguesi i lëndës për Buletinin Zyrtar, vëllimi 23, numër 1, mars 2021	59
5. Treguesi i lëndës për Buletinin Zyrtar, vëllimi 23, numër 2, prill 2021	59
6. Treguesi i lëndës për Buletinin Zyrtar, vëllimi 23, numër 3, qershor 2021	60
7. Treguesi i lëndës për Buletinin Zyrtar, vëllimi 23, numër 4, korrik 2021	60
8. Treguesi i lëndës për Buletinin Zyrtar, vëllimi 23, numër 5, gusht 2021	61
9. Treguesi i lëndës për Buletinin Zyrtar, vëllimi 23, numër 6, shtator 2021	61
10. Treguesi i lëndës për Buletinin Zyrtar, vëllimi 23, numër 7, tetor 2021	62
15. Treguesi i lëndës për Buletinin Zyrtar, vëllimi 23, numër 8, nëntor 2021	62
16. Treguesi i lëndës për Buletinin Zyrtar, vëllimi 23, numër 9, dhjetor 2021	62
17. Treguesi i lëndës për Buletinin Zyrtar, vëllimi 23, numër 10, dhjetor 2021	63



**REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS**

VENDIM
Nr. 72, datë 22.12.2021

**PËR
MIRATIMIN E RREGULLORES "PËR ORGANIZIMIN E BRENDSHËM TË
FUNKSIONIMIT TË SISTEMIT TË PAGESAVE NDËRBANKARE ME VLERË TË
MADHE – AIPS DHE SISTEMIT AIPS EURO"**

Në bazë dhe për zbatim të nenit 3, pika 4, shkronja "dh", nenit 14, nenit 21 dhe nenit 43, shkronja "f" të ligjit nr. 8269, datë 23.12.1997 "Për Bankën e Shqipërisë", i ndryshuar; të nenit 13 të ligjit nr. 133/2013 "Për sistemin e pagesave", nenit 129 të ligjit nr. 9662, datë 18.12.2006 "Për bankat në Republikën e Shqipërisë", i ndryshuar; dhe të Titujve III dhe IV të ligjit nr. 55/2020, datë 30.04.2020 "Për shërbimet e pagesave"; me propozimin e Departamentit të Sistemeve të Pagesave, Kontabilitetit dhe Financës, Departamentit të Teknologjisë së Informacionit dhe Departamentit të Operacioneve Monetare, Këshilli Mbikëqyrës i Bankës së Shqipërisë,

VENDOSI:

1. Të miratojë rregulloren "Për organizimin e brendshëm të funksionimit të sistemit të pagesave ndërbankare me vlerë të madhe – AIPS dhe sistemit AIPS EURO", sipas tekstit bashkëlidhur këtij vendimi.
2. Ngarkohen Departamenti i Sistemeve të Pagesave, Kontabilitetit dhe Financës, Departamenti i Teknologjisë së Informacionit, Departamenti i Operacioneve Monetare, Departamenti i Emisionit, Departamenti i Stabilitetit Financiar, Departamenti i Mbikëqyrjes dhe Departamenti për Ndërhyrjen e Jashtëzakonshme me zbatimin e këtij vendimi.
3. Me hyrjen në fuqi të këtij vendimi, shfuqizohet vendimi i Këshillit Mbikëqyrës nr. 38, datë 3.6.2020 "Për miratimin e rregullores "Për organizimin e brendshëm të funksionimit të sistemit të pagesave ndërbankare me vlerë të madhe – AIPS".

4. Ngarkohet Departamenti i Kërkimeve për publikimin e këtij vendimi në Buletinin Zyrtar të Bankës së Shqipërisë.

Ky vendim hyn në fuqi pas botimit në Buletinin Zyrtar të Bankës së Shqipërisë

SEKRETARI

KRYETARI

ELVIS ÇIBUKU

GENT SEJKO

KREU I TË PËRGJITHSHME

Neni 1 Objekti

1. Objekti i kësaj rregulloreje është përcaktimi i rregullave dhe i procedurave të brendshme për administrimin, operimin dhe organizimin e sistemit AIPS për shlyerjen në Lekë dhe AIPS EURO për shlyerjen në Euro nga Banka e Shqipërisë.
2. Subjekte të kësaj rregulloreje janë njësitë organizative të Bankës së Shqipërisë të përcaktuara në këtë rregullore.

Neni 2 Baza juridike

Në zbatimin e kësaj rregullore, njësitë organizative të Bankës së Shqipërisë mbështeten në legjislationin e mëposhtëm:

- a) ligjin "Për Bankën e Shqipërisë", i ndryshuar;
- b) ligjin "Për bankat në Republikën e Shqipërisë", i ndryshuar;
- c) ligjin "Për sistemin e pagesave";
- d) ligjin "Për shërbimet e pagesave";
- e) ligjin "Për rimëkëmbjen dhe ndërhyrjen e jashtëzakonshme në banka, në Republikën e Shqipërisë";
- f) rregulloren "Për funksionimin e sistemit të pagesave ndërbankare me vlerë të madhe – AIPS", i ndryshuar;
- g) rregulloren "Për funksionimin e sistemit AIPS EURO për shlyerjen e transfertave vendase për klientë në Euro";
- h) aktet e tjera nënligjore të Bankës së Shqipërisë që lidhen, por nuk kufizohen me: funksionimin e sistemeve të pagesave, minimumin e rezervës së detyruar, instrumentet e pagesave elektronike, kredinë brenda ditës për bankat, kredinë njëditore për bankat, sigurinë e informacionit, administrimin e rrezikut operacional, etj.

Neni 3 Përkufizime

1. Për qëllime të zbatimit të rregullores, termat e përkufizuar në rregulloren "Për funksionimin e sistemit të pagesave ndërbankare me vlerë të madhe – AIPS" dhe në rregulloren "Për funksionimin e sistemit AIPS EURO për shlyerjen e transfertave vendase për klientë në Euro", kanë të njëjtin kuptim edhe në këtë rregullore.
2. Përveçse kur parashikohet ndryshe në këtë rregullore, termat "sistem" dhe "sistemi AIPS" do të nënkuptojnë sistemin AIPS për shlyerjen në Lekë dhe AIPS EURO për shlyerjen në Euro si një i vetëm. Sistemi AIPS për shlyerjen në Lekë dhe sistemi AIPS EURO janë teknikisht i njëjti sistem për sa i përket infrastrukturës dhe platformës së

përdorur për aksesimin e shërbimeve nga përdoruesit, por nga pikëpamja e shërbimit të ofruar për përdoruesit e sistemit, rregullave të zbatueshme dhe pjesëmarrjes përkatësisht për secilin prej këtyre shërbimeve, përcaktohen si dy sisteme të veçanta.

3. Përveç sa parashikohet në pikat 1 dhe 2 të këtij neni, për qëllime të zbatimit të rregullores, termat e mëposhtëm kanë këto kuptime:
 - a) DE – është Departamenti i Emissionit në Bankën e Shqipërisë;
 - b) DM – është Departamenti i Mbikëqyrjes në Bankën e Shqipërisë;
 - c) DNJ – është Departamenti për Ndërhyrjen e Jashtëzakonshme në Bankën e Shqipërisë;
 - d) DOM – është Departamenti i Operacioneve Monetare në Bankën e Shqipërisë;
 - e) DSF – është Departamenti i Stabilitetit Financiar në Bankën e Shqipërisë;
 - f) DSPKF – është Departamenti i Sistemeve të Pagesave, Kontabilitetit dhe Financës në Bankën e Shqipërisë, i cili në cilësinë e përgjegjësit të sistemit, përcakton kriteret për trajtimin, administrimin dhe aksesimin e sistemit, si dhe pranon dhe miraton ndryshimet apo përmirësimet e mundshme në lidhje me sistemin;
 - g) DTI – është Departamenti i Teknologjisë së Informacionit në Bankën e Shqipërisë, i cili në cilësinë e Kujdestarit të sistemit kujdeset për sistemin, duke administruar teknikisht atë dhe infrastrukturën mbështetëse të tij, si dhe duke zbatuar dhe mbrojtur rregullat e përcaktuara nga përgjegjësi i sistemit;
 - h) File Importi – është skedar elektronik me instruksione pagesash i gatshëm për t'u importuar;
 - i) Ministria – është ministria përgjegjëse për financat;
 - j) Rregullorja për sistemin AIPS – është rregullorja e Bankës së Shqipërisë "Për funksionimin e sistemit të pagesave ndërbankare me vlerë të madhe - AIPS" dhe çdo ndryshim i saj;
 - k) Rregullorja për sistemin AIPS EURO – është rregullorja e Bankës së Shqipërisë "Për funksionimin e sistemit AIPS EURO për shlyerjen e transfertave vendase për klientë në Euro" dhe çdo ndryshim i mundshëm i saj;
 - l) Shtojca – janë dokumentet A dhe B që i bashkëlidhen kësaj rregulloreje dhe janë pjesë përbërëse të saj.

KREU II

FUNKSIONET E DEPARTAMENTEVE NË SISTEMIN AIPS

Neni 4

Funksionet e DSPKF-së

DSPKF në sistemin AIPS ushtron funksionet e mëposhtme:

1. është përgjegjës i sistemit AIPS;
2. administron operacionalisht sistemin AIPS;

3. zbaton politikën e sigurisë në sistemin AIPS në cilësinë e përgjegjësit të sistemit;
4. faturon detyrimet e pjesëmarrësve për shërbimet e sistemit AIPS dhe shërbimin e shlyerjes së kartave të kryer nga Banka e Shqipërisë; ekzekuton dhe ndjek shlyerjen e tyre në sistemin AIPS; dërgon zyrtarisht faturat pranë pjesëmarrësve të sistemit AIPS;
5. kur është e nevojshme, kryen ndryshimin e orareve të operimit të sistemit AIPS të shlyerjes në Lekë, dhe/ose të sistemit AIPS EURO në përputhje me aktet nënligjore në fuqi;
6. kryen procedurat për kufizimin e përkohshëm, dhe/ose përjashtimin e pjesëmarrësit në sistem, si dhe njofton për këtë pjesëmarrësit;
7. përfaqëson Bankën e Shqipërisë si agjent shlyerës, duke ekzekutuar në sistemin AIPS të shlyerjes në Lekë instruksionet për shlyerje neto, si dhe urdhërpagesat e pjesëmarrësve të tërthortë në atë sistem;
8. përfaqëson Bankën e Shqipërisë si pjesëmarrëse e drejtpërdrejtë në sistemin AIPS të shlyerjes në Lekë dhe sistemin AIPS EURO, duke pasqyruar, procesuar dhe monitoruar transaksionet e regjistruara për qëllime të aktivitetit të saj;
9. kryen veprimet e nevojshme për shtimin ose pakësimin e fondeve në llogarinë e pjesëmarrësit në sistemin AIPS EURO sipas urdhrave përkatës të dërguar nga pjesëmarrësi në përputhje me rregullat e sistemit AIPS EURO. Në raste të nevojave për stornim të një veprimi të gabuar, njofton pjesëmarrësin;
10. ndjek/monitoron shlyerjen në sistemin AIPS të instruksioneve të pagesave të transferuara nga sisteme vartëse;
11. në raste të pamundësive teknike për transferimin e instruksioneve të pagesave nga sistemet vartëse të operuara nga Banka e Shqipërisë për në sistemin AIPS, kryen regjistrimin e tyre në sistemin AIPS bazuar në dokumentacionin përkatës të dërguar me e-mail ose shkresë zyrtare të departamentit iniciues, siç përcaktuar në këtë rregullore;
12. për pjesëmarrës operatorë në sistemin AIPS të shlyerjes në Lekë, në raste të ngjarjeve të paparashikuara, dhe sipas shkresës zyrtare të pjesëmarrësit të nënshkruar nga nënshkrimet e autorizuara sipas rregullit dhe klasifikimit, të njoftuara zyrtarisht nga pjesëmarrësi, kryen regjistrimin e instruksioneve të shlyerjes neto përkatëse;
13. për pjesëmarrësit e drejtpërdrejtë në sistemin AIPS të shlyerjes në Lekë, me shkresë zyrtare të pjesëmarrësit të nënshkruar nga nënshkrimet e autorizuara sipas rregullit dhe klasifikimit të njoftuara zyrtarisht nga pjesëmarrësi, ose urdhër të dërguar me mesazh SWIFT të autentifikuar, në raste të lidhura me mosfunksionime në infrastrukturë, apo për arsye të përfundimit të afateve kohore sipas orareve të operimit të sistemit AIPS të shlyerjes në Lekë në lidhje me procesimin e transaksioneve, kryen regjistrimin e transaksioneve ndërbankare të pjesëmarrësit;
14. kryen ndryshimin e radhitjes së urdhërpagesave me kërkesë të pjesëmarrësve ose kur e çmon të domosdoshme për qëllime të efektivitetit në operimin e sistemit dhe në përputhje me aktet nënligjore në fuqi;

15. ndërhyt për fshirjen e një urdhërpagese të pashlyer në radhë, nëse kjo gjë kërkohet nga pjesëmarrësi, ose kur lind e nevojshme dhe e çmon se pjesëmarrësi për shkak të problemeve teknike, nuk mund ta administrojë radhën përkatëse;
16. ndërhyt për anulimin e transaksionit të mbetur në gjendje pezull për çështje përputhshmërie me listën e sanksioneve, në rastin kur pjesëmarrësi nuk është në gjendje të kryejë vetë anulimin e transaksionit të tij, dhe/ose ky transaksion pengon ecurinë normale të operimit të sistemit AIPS;
17. përgatit dhe publikon statistika mbi veprimtarinë në sistemin AIPS;
18. bashkëpunon me departamentet e tjera në lidhje me zbatimin e rregulloreve të sistemit AIPS;
19. mban dhe përditëson listën e personave të kontaktit të çdo pjesëmarrësi për sistemin AIPS, si dhe njofton pjesëmarrësit për listën e përditësuar të personave të kontaktit të Bankës së Shqipërisë për sistemin AIPS;
20. mban dhe përditëson listën e nënshkrimeve të autorizuara (të shoqëruar me kategoritë dhe limitet përkatëse) të pjesëmarrësve, të cilat përdoren për sistemin AIPS;
21. për çdo shkresë zyrtare, formular apo raport që adresohet në Bankën e Shqipërisë në lidhje me sistemin AIPS, kryen verifikimin e firmave të autorizuara aty ku është e aplikueshme, përpara se të kryhen veprime të mëtejshme nga njësitë e tjera apo vetë DSPKF. Pas verifikimit me sukses të firmave të autorizuara, përcjell shkresën e mbërritur me korrespondencë zyrtare për në njësinë përgjegjëse të Bankës së Shqipërisë për ndjekjen e veprimeve të mëtejshme;
22. i dërgon shkresë zyrtare pjesëmarrësit për çdo rast të shkeljes së detyrimeve të pjesëmarrësit në sistemin AIPS;
23. informon DM për çdo rast të evidentuar të shkeljeve të detyrimeve të pjesëmarrësve në sistemin AIPS, sipas akteve nënligjore në fuqi;
24. informon në çdo rast me shkresë zyrtare DM-në mbi transaksionet e filtruar në sistemin AIPS sipas listës së sanksioneve të Këshillit të Sigurimit të Kombeve të Bashkuara;
25. informon dhe bashkëpunon me DOM-in, DM-në, DSF-në dhe DNJ-në për raste ku pjesëmarrësit në sistemin AIPS paraqesin problematika në sistemin e pagesave me ndikim në sistemin bankar apo financiar në tërësi;
26. bashkëpunon dhe shkëmben informacione me DOM-in, DM-në, DSF-në dhe DNJ-në për krijimin e mjeteve dhe procedurave në kuadër të ruajtjes së sigurisë, qëndrueshmërisë dhe efikasitetit të sistemit të pagesave;
27. informon dhe bashkëpunon me njësinë përgjegjëse për mbikëqyrjen e operatorëve të sistemeve të pagesave, për raste kur pjesëmarrës operatorë në sistemin AIPS të shlyerjes në Lekë paraqesin problematika me ndikim në infrastrukturën e tregut financiar;
28. raporton pranë njësisë përgjegjëse për administrimin e rrezikut operacional në Bankën e Shqipërisë, mbi ngjarjet e rrezikut operacional të lidhura me sistemin AIPS në këndvështrimin operacional.

Neni 5 Funksionet e DTI-së

DTI në sistemin AIPS ushtron funksionet e mëposhtme:

1. është kujdestar i sistemit AIPS;
2. administron dhe mirëmban teknikisht sistemin AIPS dhe infrastrukturën mbështetëse të tij përfshirë shërbimet përkatëse të SWIFT në funksion të sistemit AIPS;
3. zbaton politikën e sigurisë në sistemin AIPS në cilësinë e kujdestarit të sistemit dhe ndërton mekanizma të sigurt për:
 - i. mbrojtjen e aksesit ndaj tij,
 - ii. autentifikimin e dërguesit të instruksionit të pagesës,
 - iii. mbrojtjen e besueshmërisë dhe të konfidencialitetit të informacionit të marrë dhe të ruajtur nga sistemi AIPS;
4. shqyrton kërkesat nga përdoruesit për zhvillime të reja në sistemin AIPS dhe pas vlerësimit të mundësive të realizimit, ndërmerr hapat e nevojshëm sipas rastit në bashkëpunim me DSPKF, për implementimin e tyre në sistem;
5. ndërton mekanizma për evidentimin e incidenteve dhe problemeve lidhur me funksionimin e sistemit AIPS dhe të infrastrukturës që e mbështet;
6. mban regjistrin e anomalive/problematikave të identifikuara ose të sinjalizuara në lidhje me sistemin AIPS, si dhe merr masa për zgjidhjen e tyre. Në rast se zgjidhja e anomalisë është jashtë mundësive teknike dhe kompetencave të DTI-së, atëherë DTI njofton kompaninë kontraktore që ka ofruar sistemin AIPS dhe shërbimin e mirëmbajtjes së tij, për të asistuar në zgjidhjen e saj;
7. zbaton në sistem procedurat për vendosjen e versioneve të reja, si dhe kryerjen e përditësimeve në përputhje me instruksionet e dhëna nga kompania kontraktore që ka ofruar sistemin AIPS;
8. administron teknikisht përdoruesit dhe të drejtat në sistem;
9. administron formularët/kërkesat për përdorues në VPN, pajisje sigurie, certifikata dixhitale dhe përdorues të lidhur me sistemin AIPS, të paraqitura nga DSPKF si përgjegjës i sistemit;
10. harton dhe zbaton procedurat *Fallback-Recovery*, *Backup-Restore* në funksion të vazhdimësisë së veprimtarisë, i teston periodikisht ato, si dhe informon DSPKF-në mbi rezultatet;
11. shqyrton njoftimin e pjesëmarrësit për raste kur ai pjesëmarrës raporton për testime ose ndryshime infrastrukturore, të cilat mund të ndikojnë aftësinë e tij për të operuar në sistemin AIPS dhe e udhëzon atë sipas rastit;
12. informon DSPKF-në për çdo rast të evidentuar të shkeljeve të detyrimeve teknike të pjesëmarrësve në sistemin AIPS, me qëllim që DSPKF të vijojë me njoftimin e DM-së sipas akteve nënligjore në fuqi;
13. raporton pranë njësisë përgjegjëse për administrimin e rrezikut operacional në Bankën e Shqipërisë, mbi ngjarjet e rrezikut operacional të lidhura me sistemin AIPS në këndvështrimin teknik.

Neni 6 Funksione të përbashkëta mes DSPKF-së dhe DTI-së

DSPKF dhe DTI në sistemin AIPS ushtrojnë funksione të përbashkëta, si më poshtë:

1. zbatojnë rregullat për sigurinë e informacionit në funksion të garantimit të parimeve të sigurisë: disponueshmërisë, konfidencialitetit, integritetit, aksesit të kontrolluar në sistem;
2. ndjekin procedurat për anëtarësimin e pjesëmarrësve të rinj në sistemin AIPS të shlyerjes në Lekë dhe në sistemin AIPS EURO;
3. ndjekin procedurat për administrimin e AIPS CUG dhe shërbimit përkatës të SWIFT;
4. mbajnë kontaktet dhe mbështesin pjesëmarrësit në operimin në sistemin AIPS, përkatësisht DSPKF për çështjet operationale dhe DTI për çështjet teknike e infrastrukture;
5. administrojnë ngjarjet e paparashikuara dhe situatat e emergjencës në sistemin AIPS, dhe mbajnë kontakt me pjesëmarrësit për t'i informuar dhe asistuar ata në përputhje me përcaktimet në këtë rregullore;
6. janë pikë kontakti me kompaninë kontraktore që ka ofruar sistemin AIPS dhe ofron shërbimin e mirëmbajtjes së sistemit AIPS, si dhe ndjekin zbatimin e kontratave me të;
7. shqyrtojnë raportimet e pjesëmarrësve të sistemit AIPS të shlyerjes në Lekë dhe të sistemit AIPS EURO në lidhje me ngjarjet e paparashikuara të regjistruara pranë pjesëmarrësit dhe ecurinë e tyre deri në zgjidhje, raportet e incidentit, si dhe raportin e vetëvlerësimit të pjesëmarrësit për operimin në sistemin AIPS të shlyerjes në Lekë dhe në sistemin AIPS EURO. Nëse DTI konstaton elemente teknike, të cilat mund të kenë ndikim në operacionet në sistemin AIPS ose në aftësinë e pjesëmarrësit për të operuar në sistemin AIPS, ia vë në vëmendje këto të fundit DSPKF-së;
8. bashkëpunojnë gjatë proceseve të testimeve në sistemin AIPS në ambjentin e dedikuar për këtë qëllim;
9. bashkëpunojnë për përcaktimin e matricës së korrespondencës së funksionaliteteve të sistemit AIPS që i përkasin roleve për të drejtat e përdoruesve në sistemin AIPS;
10. bashkëpunojnë gjatë procesit të testimit të procedurave *Fallback-Recovery*;
11. bashkëpunojnë për hartimin e raporteve mbi incidente apo ngjarje të paparashikuara në infrastrukturën pranë Bankës së Shqipërisë, që ndikojnë në disponueshmërinë e shërbimit të sistemit AIPS për pjesëmarrësit;
12. Raportojnë në përputhje me aktet e miratuara në fuqi në lidhje me mbikëqyrjen e sistemeve të pagesave të operuara nga Banka e Shqipërisë, pranë njësisë përgjegjëse në Bankën e Shqipërisë që kryen këtë funksion;
13. bashkëpunojnë për formulimin e njoftimeve për pjesëmarrësit në rastet e ngjarjeve të paparashikuara, situatave të emergjencës,

- apo aplikimit të ndryshimeve në sistem, kur këto ndryshime kanë ndikim në veprimtarinë operacionale të pjesëmarrësve. Nëse shihet e nevojshme të jepen instruksione të mëtejshme, ato dërgohen përkatësisht nga DSPKF për detajet operacionale dhe nga DTI për detajet teknike e infrastrukture;
14. në rastet kur kërkohet zyrtarisht nga një pjesëmarrës informacion mbi të dhëna të arkivuara dhe të paaksesueshme në mënyrë të drejtpërdrejtë në sistemin AIPS, DTI siguron informacionin e kërkuar në një format të përshtatshëm, dhe DSPKF harton raportin informues për pjesëmarrësin brenda afatit të përcaktuar në aktet nënligjore në fuqi;
 15. kryejnë procedurën e përditësimit dhe importimit të listës së sanksioneve të publikuar në formatin elektronik nga Këshilli i Sigurimit të Kombeve të Bashkuara;
 16. hartojnë akte nënligjore të nevojshme për mirëfunksionimin dhe sigurinë e sistemit.

Neni 7 Funksionet e DOM-it

DOM në lidhje me sistemin AIPS ushtron funksionet e mëposhtme:

1. informohet mbi gjendjen e likuiditetit;
2. inicion dhe transferon veprime për qëllime të aktivitetit operacional të DOM nëpërmjet sistemeve vartëse, shlyerja *cash* e të cilave realizohet në sistemin AIPS;
3. përcakton rezervat e detyruara për pjesëmarrësit e sistemit AIPS të shlyerjes në Lekë;
4. përcakton normat e remunerimit dhe të gjobave në përputhje me aktet nënligjore në fuqi;
5. për çdo ndryshim në rregulloren e Rezervës së detyruar, si dhe të normës së remunerimit, njofton me shkrim DSPKF-në;
6. bashkëpunon me DSPKF-në në funksion të realizimit të shlyerjes së veprimeve të iniciuara nga DOM, si dhe në rrethana të paparashikuara kur lind e nevojshme, kërkon ndryshimin e orareve të operimit të sistemit AIPS të shlyerjes në Lekë, në përputhje me aktet nënligjore në fuqi, deri në finalizimin e shlyerjes;
7. njofton DSPKF në raste kur ka evidencë se një subjekt pjesëmarrës në sistemin AIPS të shlyerjes në Lekë paraqet vështirësi financiare, apo është vendosur në një status të caktuar me ndikim në sistemin e pagesave, si dhe kur evidentohen zhvillime në sektorin bankar me ndikim në sistemin e pagesave. Në situata të tilla, aty ku është e aplikueshme bashkëpunon ngushtësisht me DM, DSF, DNJ dhe DSPKF;
8. bashkëpunon dhe shkëmben informacione me DSPKF, DM, DSF dhe DNJ për krijimin e mjeteve dhe procedurave në kuadër të ruajtjes së sigurisë, qëndrueshmërisë dhe efikasitetit të sistemit të pagesave.

Neni 8 Funksionet e DE-së

DE në lidhje me sistemin AIPS të shlyerjes në Lekë ushtron funksionet e mëposhtme:

1. inicion dhe transferon veprime për qëllime të aktivitetit operacional të DE-së nëpërmjet sistemeve vartëse, shlyerja *cash* e të cilave realizohet në sistemin AIPS të shlyerjes në Lekë;
2. përdor mjetet që ka në dispozicion për t'u informuar mbi statusin e shlyerjes në sistemin AIPS të transaksioneve të iniciuara prej tij;
3. kryen rakordimin ditor me DSPKF-në për veprimet e iniciuara në sistemet vartëse nga DE dhe të shlyera në sistemin AIPS të shlyerjes në Lekë;
4. bashkëpunon me DSPKF-në në funksion të realizimit të shlyerjes së veprimeve të iniciuara nga DE, si dhe në rrethana të paparashikuara kur lind e nevojshme, kërkon ndryshimin e orareve të operimit të sistemit AIPS të shlyerjes në Lekë, në përputhje me aktet nënligjore në fuqi, deri në finalizimin e shlyerjes.

Neni 9 Funksionet e DM-së

DM në lidhje me sistemin AIPS ushtron funksionet e mëposhtme:

1. nëse gjatë proceseve të inspektimit të ushtruara nga DM tek subjektet pjesëmarrëse në sistemin AIPS dhe që mbikëqyren nga DM, verifikohet se komisionet bankare të aplikuara nga ato subjekte ndaj klientëve të tyre për urdhërpagesa në nisje dhe në mbërritje në sistemin AIPS, janë mbi kufijtë e përcaktuar në rregullat e funksionimit të sistemit AIPS, atëherë DM njofton me shkresë zyrtare DSPKF-në për rastin e verifikuar të shkeljes së Rregullores për sistemin AIPS ose Rregullores për sistemin AIPS EURO;
2. në përfundim të inspektimit të plotë ose të pjesshëm, të kryer nga ana e tij pranë subjekteve bankare, i përcjell DSPKF-së rezultatet e inspektimit në lidhje me sistemet e pagesave që operohen nga Banka e Shqipërisë. Përcjellja e rezultateve mund të bëhet me shkresë zyrtare ose në format elektronik nga/për punonjësit e përcaktuar nga Drejtuesi i njësisë përkatëse;
3. njofton pa vonesë DSPKF-në në raste kur nga DM evidentohet se një subjekt pjesëmarrës në sistemin AIPS të shlyerjes në Lekë paraqet vështirësi financiare apo është vendosur në një status të caktuar me ndikim në sistemin e pagesave, është në proces likuidimi/falimentimi, si dhe kur evidentohen zhvillime në sektorin bankar me ndikim në sistemin e pagesave. Në situata të tilla, aty ku është e aplikueshme bashkëpunon ngushtësisht me DOM-in, DSF-në, DNJ-në dhe DSPKF-në;
4. njofton pa vonesë DSPKF-në në çdo rast kur nis një proces bashkimi/përthithjeje e një banke me/nga një/disa bankë/a në një të vetme,

- në çdo rast kur nis një vendosje në proces likuidimi/falimentimi, si dhe kur nis një proces pezullimi apo revokimi (shfuqizimi) i licencës së një subjekti, i cili mbikëqyret nga DM dhe është pjesëmarrës në sistemet e pagesave;
5. bashkëpunon dhe shkëmben informacione me DSPKF, DOM, DSF dhe DNJ për krijimin e mjeteve dhe procedurave në kuadër të ruajtjes së sigurisë, qëndrueshmërisë dhe efikasitetit të sistemit të pagesave;
 6. në çdo rast kur njoftohet nga DSPKF mbi transaksione të filtruara në sistemin AIPS sipas listës së sanksioneve të Këshillit të Sigurimit të Kombeve të Bashkuara, kryen njoftimin e nevojshëm pranë autoriteteve kompetente dhe ndjek rastin në rolin e autoritetit mbikëqyrës.

Neni 10 Funksionet e DNJ-së

DNJ në lidhje me sistemin AIPS të shlyerjes në Lekë ushtron funksionet e mëposhtme:

1. në rast të konstatimit se për një bankë pjesëmarrëse në sistemin AIPS të shlyerjes në Lekë, janë plotësuar kushtet për vendosjen e bankës në ndërhyrje të jashtëzakonshme, komunikon këtë konstatim pa vonesë pranë DSPKF-së;
2. gjatë zbatimit të ndërhyrjes së jashtëzakonshme për një bankë pjesëmarrëse, sigurohet që të ruhet akses i kësaj të fundit në sistemet e pagesave, duke bashkëpunuar me DSPKF-në për masat që duhet të ndërmerren;
3. në kuadër të rasteve të ndërhyrjes së jashtëzakonshme për një bankë pjesëmarrëse në sistemin AIPS të shlyerjes në Lekë, bashkëpunon ngushtësisht me DSPKF-në dhe DOM-in;
4. bashkëpunon dhe shkëmben informacione me DSPKF-në, DOM-in, DSF-në dhe DM-në për krijimin e mjeteve dhe procedurave në kuadër të ruajtjes së sigurisë, qëndrueshmërisë dhe efikasitetit të sistemit të pagesave.

Neni 11 Funksionet e DSF-së

DSF në lidhje me sistemin AIPS të shlyerjes në Lekë ushtron funksionet e mëposhtme:

1. Njofton DSPKF-në në raste kur ka evidencë se një subjekt pjesëmarrës në sistemin AIPS të shlyerjes në Lekë paraqet vështirësi financiare, apo është vendosur në një status të caktuar me ndikim në sistemin e pagesave, si dhe kur evidentohen zhvillime në sektorin bankar me ndikim në sistemin e pagesave. Në situata të tilla, aty ku është e aplikueshme, bashkëpunon ngushtësisht me DOM, DM, DNJ dhe DSPKF;

2. Bashkëpunon dhe shkëmben informacione me DSPKF-në, DOM-in, DM-në dhe DNJ-në për krijimin e mjeteve dhe procedurave në kuadër të ruajtjes së sigurisë, qëndrueshmërisë dhe efikasitetit të sistemit të pagesave.

KREU III **PJESËMARRJA NË SISTEMIN AIPS**

Neni 12 **Procedurat e anëtarësimit**

Procedurat e anëtarësimit si pjesëmarrës në sistemin AIPS të shlyerjes në Lekë dhe në sistemin AIPS EURO ndiqen nga DSPKF dhe DTI, në bashkëpunim me kandidatin për pjesëmarrës, si dhe në përputhje me aktet nënligjore në fuqi. Këto procedura kalojnë në hapat e mëposhtme.

1. DSPKF merr në shqyrtim kërkesën zyrtare të kandidatit për anëtarësim në sistemin AIPS të shlyerjes në Lekë dhe/ose sistemin AIPS EURO, dhe informon kandidatin për miratimin ose jo të kërkesës së tij. Nëse kërkesa e kandidatit miratohet, atëherë vijohet me hapat e tjerë;
2. Informimi dhe asistenca teknike për kandidatin në procesin e anëtarësimit:
 - a) DSPKF informon kandidatin mbi të drejtat dhe detyrimet që lindin me anëtarësimin e tij si pjesëmarrës në sistemin AIPS të shlyerjes në Lekë dhe/ose sistemin AIPS EURO duke i vënë në dispozicion aktet nënligjore në fuqi lidhur me sistemin AIPS, si dhe të gjithë dokumentacionin e nevojshëm;
 - b) DTI dhe DSPKF bashkëpunojnë për hartimin, rast pas rasti, të kalendarit të detajuar me hapat teknikë të anëtarësimit dhe DSPKF ia komunikon atë kandidatit;
 - c) DTI informon kandidatin mbi infrastrukturën teknike që duhet të ketë në dispozicion dhe për detaje të tjera të lidhura me parametra dhe kushte teknike që infrastruktura duhet të plotësojë, si dhe e asiston teknikisht atë;
 - d) DTI vë në dispozicion të kandidatit mjetet e duhura aty ku është e aplikueshme, si dhe dokumentacionin teknik të nevojshëm për kryerjen e instalimeve dhe implementimin e infrastrukturës së duhur për operimin e kandidatit në sistemin AIPS;
 - e) DTI dhe DSPKF udhëzojnë dhe ndjekin procesin e anëtarësimit të kandidatit në AIPS CUG dhe shërbimin përkatës të SWIFT.
3. Testimi dhe trajnimi i kandidatit:
 - a) DTI dhe DSPKF bashkëpunojnë për trajnimin e përdoruesve të ardhshëm të kandidatit për funksionet e sistemit AIPS;
 - b) DTI dhe DSPKF në bashkëpunim me kandidatin kryejnë testimet e nevojshme në sistemin AIPS;

- c) DTI në bashkëpunim me kandidatin kryejnë testime për elementet teknike të infrastrukturës që do të mbështesë operimin e kandidatit në sistemin AIPS.
4. Aksesimi i sistemit TEST:
- a) DTI pajis kandidatin me certifikatat dhe pajisjet e sigurisë, në përputhje me formularin përkatës të rregullores për sistemin AIPS;
- b) DTI krijon përdoruesit e kandidatit në VPN, në përputhje me formularin përkatës të rregullores për sistemin AIPS;
- c) DTI krijon dy oficerët e sigurisë së kandidatit në sistemin TEST, në përputhje me formularin përkatës të rregullores për sistemin AIPS.
5. Përgatitja e dokumentacionit:
- a) DSPKF dhe DTI këshillojnë kandidatin gjatë procesit të hartimit të dokumentacionit dhe bazës rregullative mbi:
- operimin në sistemin AIPS;
 - sigurinë e transmetimit të informacionit/instrukcioneve nga sistemet e tij për në sistemin AIPS;
 - planet e emergjencës.
6. Pranimi në anëtarësim:
- a) DTI dhe DSPKF shqyrtojnë plotësimin e dokumentacionit dhe bazës rregullative, si dhe plotësimin e të gjitha kushteve për pjesëmarrje në sistemin AIPS të shlyerjes në Lekë dhe/ose sistemin AIPS EURO nga ana e kandidatit, dhe nëse e vlerësojnë të plotë dokumentacionin dhe vlerësojnë se kandidati i plotëson të gjitha kushtet, vijojnë me hapat e tjerë;
- b) DSPKF ruan dokumentacionin e anëtarësimit të kandidatit.
7. Aktivizimi i pjesëmarrësit:
- a) DSPKF krijon pjesëmarrësin në sistemin AIPS të shlyerjes në Lekë, si dhe pjesëmarrësin në sistemin AIPS EURO;
- b) DSPKF njofton pjesëmarrësit e tjerë për anëtarësimin e pjesëmarrësit të ri 5 (pesë) ditë pune përpara datës në të cilën ky pjesëmarrës fillon veprimtarinë *live* në sistemin AIPS të shlyerjes në Lekë dhe/ose në sistemin AIPS EURO;
- c) DTI pajis pjesëmarrësin me certifikatat dhe pajisjet e sigurisë, në përputhje me formularin përkatës të rregullores për sistemin AIPS;
- d) DTI krijon përdoruesit e pjesëmarrësit në VPN, në përputhje me formularin përkatës të rregullores për sistemin AIPS;
- e) DTI krijon dy oficerët e sigurisë së pjesëmarrësit në sistemin LIVE, në përputhje me formularin përkatës të rregullores për sistemin AIPS.

Neni 13 Kufizimi i përkohshëm dhe përjashtimi

Kufizimi i përkohshëm apo përjashtimi i një pjesëmarrësi në sistemin AIPS të shlyerjes në Lekë dhe/ose sistemin AIPS EURO kryhet nga DSPKF

pasi është konsultuar më parë me DOM, DM, DSF e DNJ sipas rastit, dhe miratohet nga Zëvendësguvernatori i Parë i Bankës së Shqipërisë.

KREU IV ADMINISTRIMI I SISTEMIT AIPS

Neni 14 Administrimi i pjesëmarrësit

Në drejtim të administrimit të pjesëmarrësit në sistemin AIPS të shlyerjes në Lekë dhe sistemin AIPS EURO, DSPKF kryen funksionet e mëposhtme:

1. krijon pjesëmarrësin në sistemin AIPS të shlyerjes në Lekë dhe/ose pjesëmarrësin në sistemin AIPS EURO dhe kryen njoftimet përkatëse siç përcaktuar në procedurat e anëtarësimit;
2. krijon dhe administron llogaritë në sistemin AIPS;
3. me kërkesë/njoftim të pjesëmarrësit, modifikon/përditëson detaje të pjesëmarrësit, si adresa, personat e kontaktit, etj;
4. bazuar në vendime për ndryshime në lidhje me subjektin pjesëmarrës, kryen modifikimin/përditësimin e pjesëmarrësit dhe/ose llogarive të shlyerjes së pjesëmarrësit në sistemin AIPS;
5. kufizon përkohësisht aksesin e pjesëmarrësit në sistemin AIPS të shlyerjes në Lekë dhe/ose sistemin AIPS EURO dhe/ose përjashton pjesëmarrësin nga sistemi AIPS i shlyerjes në Lekë dhe/ose sistemi AIPS EURO, si dhe kryen njoftimet përkatëse në përputhje me aktet nënligjore në fuqi;
6. në rastin e kufizimit të përkohshëm apo të përjashtimit të një pjesëmarrësi nga sistemi AIPS, diskuton paraprakisht dhe koordinon me DOM e DM, në raste të lidhura me ruajtjen e qëndrueshmërisë së sistemit të pagesave edhe me DSF-në, si dhe në rastin e plotësimit të kushteve për ndërhyrjen e jashtëzakonshme edhe me DNJ-në, për procedurat që do të ndiqen;
7. në raste të përjashtimit të një pjesëmarrësi nga sistemi AIPS:
 - a) për përjashtimin e pjesëmarrësit nga sistemi AIPS i shlyerjes në Lekë, njofton me shkresë zyrtare DM-në, DOM-in dhe DE-në për ekzekutimin e mbylljes së llogarive të shlyerjes së pjesëmarrësit;
 - b) për përjashtimin e pjesëmarrësit nga sistemi AIPS EURO, njofton me shkresë zyrtare DM-në dhe DOM-in për ekzekutimin e mbylljes së llogarive të shlyerjes së pjesëmarrësit;
 - c) njofton me shkresë zyrtare DTI-në për të kryer sipas rastit fshirjen/bllokimin e përdoruesve të pjesëmarrësit nga sistemi AIPS, si dhe aty ku është e aplikueshme, DSPKF në bashkëpunim me DTI-në marrin masat e nevojshme në lidhje me AIPS CUG dhe shërbimin përkatës të SWIFT-it për këtë pjesëmarrës.

Neni 15 Administrimi i përdoruesve

1. DSPKF në cilësinë e përgjegjës të sistemit AIPS, në bashkëpunim me DTI përcaktojnë matricën e korrespondencës së funksionaliteteve të sistemit AIPS që i përkasin roleve për të drejtat e përdoruesve, bazuar në aktivitetin operacional që duhet të kryejnë, duke pasur në vëmendje parimet bazë "katër sytë" dhe të të drejtave minimale në sistemin AIPS.
2. DTI në cilësinë e kujdestarit të sistemit, realizon veprimet e mëposhtme në lidhje me administrimin e përdoruesve të sistemit AIPS:
 - a) krijon teknikisht rolet për të drejtat e përdoruesve në sistemin AIPS, sipas përcaktimeve të pikës 1 të këtij neni;
 - b) krijon përdoruesit e Bankës së Shqipërisë në sistemin AIPS test pas miratimit me e-mail të drejtuesit të DSPKF-së;
 - c) krijon, modifikon ose fshin përdoruesit e Bankës së Shqipërisë në sistemin AIPS primar, sipas kërkesës së nënshkruar nga drejtuesi i departamentit kërkues dhe të miratuar nga drejtuesit e DSPKF-së dhe DTI-së, sipas Shtojcës A bashkëlidhur;
 - d) administron certifikatat dixhitale për përdoruesit e Bankës së Shqipërisë në lidhje me sistemin AIPS, sipas kërkesës së nënshkruar nga drejtuesi i departamentit kërkues, dhe të miratuar nga drejtuesit e DSPKF-së dhe DTI-së, sipas Shtojcës B bashkëlidhur;
 - e) bazuar në aktet nënligjore në fuqi, për përdoruesit e Bankës së Shqipërisë në sistemin AIPS, modifikon statusin e llogarisë së përdoruesit dhe/ose rivendos fjalëkalimin e tij në përputhje me kërkesën për ndryshim në llogarinë e përdoruesit nga drejtuesi i Departamentit përkatës si dhe zotëruesi i llogarisë në rastin e rivendosjes së fjalëkalimit;
 - f) krijon, modifikon ose fshin përdorues të një pjesëmarrësi, si dhe rivendos fjalëkalim të përdoruesit të pjesëmarrësit në rast pamundësie të kryerjes së kësaj procedure nga vetë pjesëmarrësi, sipas përcaktimeve në Rregulloren për sistemin AIPS dhe Rregulloren për sistemin AIPS EURO;
 - g) rinovon çdo vit certifikatat dixhitale të përdoruesve të pjesëmarrësve në sistemin AIPS, të paraqitura prej tyre në Bankën e Shqipërisë në përfundim të afatit të skadencës, sipas përcaktimeve në Rregulloren për sistemin AIPS dhe Rregulloren për sistemin AIPS EURO.

Neni 16 Administrimi i kalendarit

Në bazë të njoftimit zyrtar të Bankës së Shqipërisë mbi kalendarin e festave zyrtare, DSPKF:

- a) plotëson kalendarin për vitin pasardhës para fillimit të vitit të ri ushtrimor;
- b) ndryshon kalendarin dhe njofton pjesëmarrësit, në çdo rast kur është e mundur jo më vonë se 5 (pesë) ditë pune nga data e kryerjes së këtyre ndryshimeve.

Neni 17 Administrimi i orareve të operimit

1. DSPKF ndryshon oraret e operimit në sistemin AIPS të shlyerjes në Lekë ose në sistemin AIPS EURO në përputhje me aktet nënligjore në fuqi dhe pasi vlerëson rrethanat në të cilat lind nevoja për ndryshim të orareve, duke përfshirë këtu:
 - a) ngjarje të paparashikuara dhe situata emergjence;
 - b) kërkesë nga një njësi e Bankës së Shqipërisë;
 - c) kërkesë nga një pjesëmarrës.
2. DSPKF lajmëron pjesëmarrësit e sistemit AIPS të shlyerjes në Lekë dhe pjesëmarrësit e sistemit AIPS EURO për ndryshimin e orareve, me e-mail ose mesazh SWIFT.

Neni 18 Testimi dhe ndryshimet në sistem

1. Çdo kërkesë për ndryshim në sistemin AIPS vlerësohet nga DSPKF dhe DTI dhe miratohet prej tyre për t'u zbatuar kur çmohet e arsyeshme.
2. Në rastet kur ndryshimet e propozuara kanë ndikime tek pjesëmarrësit e tjerë të sistemit AIPS, DSPKF dhe DTI këshillohen paraprakisht me këta të fundit.
3. DTI dhe DSPKF bashkëpunojnë në kryerjen e testeve në raste kur lind e nevojshme të shqyrtohen sjellje funksionale të sistemit, ndërveprime të tij me sisteme të tjera, përditësime të ofruara nga kompania kontraktore që kryen mirëmbajtjen e sistemit AIPS, si dhe kur evidentohen problematika në funksionim.
4. Çdo ndryshim duhet të aplikohet në sistemin AIPS vetëm pasi të jetë testuar në ambjentin e dedikuar për testim, dhe pas miratimit nga drejtuesit e DSPKF dhe DTI. DTI kujdeset që aplikimi i ndryshimeve në sistemin AIPS, të kryhet në të dy ambjentet, primar dhe *backup*.
5. Në lidhje me ndryshime të rëndësishme, të cilat prekin aspekte të caktuara të sistemit AIPS, siç përcaktuar në aktet në fuqi në lidhje me mbikëqyrjen e sistemeve të pagesave të operuara nga Banka e Shqipërisë, DTI dhe DSPKF njoftojnë njësinë përgjegjëse në Bankën e Shqipërisë që kryen këtë funksion.
6. DTI dhe DSPKF konsultohen me njësinë përgjegjëse në Bankën e Shqipërisë që kryen funksionin e mbikëqyrjes së sistemeve të pagesave të operuara nga Banka e Shqipërisë për të shqyrtuar ndikimet e mundshme që mund të kenë ndryshimet në lidhje me përputhshmërinë e sistemeve me parimet mbikëqyrëse.

KREU V

VEPRIMTARIA OPERACIONALE NË AIPS

Neni 19

Hapja e ditës së punës

1. DTI kujdeset për të gjithë komponentet e infrastrukturës teknike për të garantuar disponueshmërinë e sistemit AIPS gjatë gjithë kohës së operimit.
2. DTI kujdeset për mirëfunksionimin e të gjitha elementeve të nevojshme të infrastrukturës për shkarkimin dhe garantimin e sigurisë maksimale në procesin e shkarkimit dhe importimit nga DSPKF në sistemin AIPS, të listës së sanksioneve të publikuar në faqen zyrtare të Këshillit të Sigurimit të Kombeve të Bashkuara.
3. DSPKF shkarkon dhe importon në sistemin AIPS listën e përditësuar të sanksioneve sipas udhëzimeve të DTI-së.
4. DSPKF dhe DTI duhet të sigurohen që hapat e përcaktuar për përditësimin në sistemin AIPS të listës së sanksioneve të Këshillit të Sigurimit të Kombeve të Bashkuara, të jenë realizuar përpara orareve të përcaktuara për hapjen e ditës së punës së sistemit AIPS të shlyerjes në Lekë dhe ditës së punës së sistemit AIPS EURO.
5. Hapja e ditës së punës në sistemin AIPS të shlyerjes në Lekë dhe sistemin AIPS EURO mund të realizohet në formë automatike ose me ndërveprim të përdoruesit (manuale). DSPKF vlerëson formën më të përshtatshme për realizimin e hapjes së ditës së punës dhe konfiguron sistemin në njërën prej dy formave, e cila mbahet e pandryshuar deri në një vlerësim të ndryshëm nga ky i fundit.
6. Nëse forma e hapjes së ditës së punës në sistemin AIPS të shlyerjes në Lekë dhe/ose sistemin AIPS EURO është automatike, atëherë DSPKF monitoron në çdo orar hapje të ditës së punës, statusin e realizimit të këtij procesi në sistemin AIPS të shlyerjes në Lekë dhe/ose sistemin AIPS EURO.
7. Nëse forma e hapjes së ditës së punës në sistemin AIPS të shlyerjes në Lekë dhe/ose sistemin AIPS EURO është manuale, atëherë DSPKF në përputhje me oraret e përcaktuara në aktet nënligjore në fuqi, ekzekuton procesin e hapjes së ditës së punës në sistemin AIPS të shlyerjes në Lekë dhe/ose sistemin AIPS EURO dhe monitoron ecurinë dhe statusin e realizimit të këtij procesi.

Neni 20

Mbyllja e ditës së punës

1. Në prag të përfundimit të ditës së punës, DSPKF koordinon me DOM-in dhe DE-në për të evidentuar nëse kanë ende veprime për të cilat është i nevojshëm ndryshimi i orareve të operimit të sistemit AIPS të shlyerjes në Lekë, dhe nëse vlerësohet e përshtatshme, kryen ndryshimin e orareve në përputhje me nevojat e njësisë të Bankës së Shqipërisë.

2. Në rast se lind i nevojshëm ndryshimi i orareve të operimit të sistemit AIPS të shlyerjes në Lekë dhe/ose sistemit AIPS EURO dhe mbyllja e sistemit AIPS të shlyerjes në Lekë dhe/ose sistemit AIPS EURO duhet të shtrihet përtej orarit zyrtar, atëherë DSPKF njofton DTI-në. Në këtë rast, DTI kryen shtyrjen e orarit të sistemit SWIFT deri në një orar të përcaktuar sipas komunikimit me DSPKF-në, dhe sipas rastit përcakton njëri nga mundësitë:
 - a) të lejohen mesazhe hyrëse dhe dalëse në AIPS;
 - b) të lejohen vetëm mesazhe dalëse nga AIPS.
3. Nëse në fund të ditës së punës në sistemin AIPS të shlyerjes në Lekë ose në sistemin AIPS EURO, ka transaksion në gjendje pezull për çështje përputhshmërie me listën e sanksioneve, atëherë DSPKF njofton pjesëmarrësin që të kryejë anulimin e tij. Nëse pjesëmarrësi nuk është në gjendje të anulojë transaksionin, atëherë anulimin e transaksionit e kryen DSPKF. Më pas, mund të kryhet mbyllja e ditës së punës në sistemin AIPS të shlyerjes në Lekë ose sistemin AIPS EURO.
4. Sa herë që evidentohen transaksione të filtruara sipas listës së sanksioneve të Këshillit të Sigurimit të Kombeve të Bashkuara, DSPKF informon me shkresë zyrtare DM-në me të dhënat sipas raportit që gjeneron sistemi AIPS.
5. Mbyllja e ditës së punës në sistemin AIPS të shlyerjes në Lekë dhe/ose sistemin AIPS EURO mund të realizohet ose në formë automatike, ose me ndërveprim të përdoruesit (manuale). DSPKF vlerëson formën më të përshtatshme për realizimin e mbylljes së ditës së punës dhe konfiguron sistemin në njëri prej dy formave, e cila mbahet e pandryshuar deri në një vlerësim të ndryshëm nga ky i fundit.
6. Nëse forma e mbylljes së ditës së punës në sistemin AIPS të shlyerjes në Lekë dhe/ose sistemin AIPS EURO është automatike, atëherë DSPKF monitoron në çdo orar në mbyllje të ditës së punës, statusin e realizimit të këtij procesi në sistemin AIPS të shlyerjes në Lekë dhe/ose sistemin AIPS EURO.
7. Nëse forma e mbylljes së ditës së punës në sistemin AIPS është manuale, atëherë DSPKF në përputhje me oraret e përcaktuara në aktet nënligjore në fuqi, ekzekuton procesin e mbylljes së ditës së punës në sistemin AIPS të shlyerjes në Lekë dhe/ose sistemin AIPS EURO dhe monitoron ecurinë dhe statusin e realizimit të këtij procesi.
8. Nëpërmjet mesazheve SWIFT, sistemi njofton të gjithë pjesëmarrësit për mbylljen e ditës së punës në sistemin AIPS të shlyerjes në Lekë dhe/ose sistemin AIPS EURO.
9. DTI kujdeset për realizimin e procedurave teknike të përcaktuara në funksion të vazhdimësisë së biznesit për sistemin AIPS.

Neni 21 Monitorimi i sistemit

Monitorimi i sistemit AIPS kryhet bashkërisht nga DSPKF dhe DTI.

1. DSPKF monitoron gjendjen e sistemit gjatë gjithë ditës së punës dhe në veçanti:
 - a) hapjen dhe mbylljen e ditës së punës;
 - b) shlyerjen e instruksioneve të pagesave në sistem;
 - c) shlyerjet neto dhe ato nga sistemet vartëse;
 - d) statusin e pagesave në sistem;
 - e) evidentimin nëse konstatohet se ka transaksione në gjendje pezull për çështje përputhshmërie me listën e sanksioneve;
 - f) gjendjen e llogarive të pastrimit të sistemeve vartëse.
2. DTI monitoron gjendjen teknike të sistemit AIPS gjatë gjithë ditës së punës dhe në veçanti:
 - a) hapjen dhe mbylljen e ditës së punës;
 - b) gjendjen e shërbimeve në funksion të sistemit AIPS;
 - c) gjendjen e infrastrukturës që ofron shërbimin e AIPS ndaj pjesëmarrësve;
 - d) gjurmët e aktivitetit të sistemit në drejtim të evidentimit të problematikave të mundshme.
3. DSPKF ndjek rastet me pasaktësi në instruksionet e pagesave të iniciuara dhe/ose të mbërritura në favor të Bankës së Shqipërisë.
4. Në rast se DSPKF gjatë monitorimit të aktivitetit ditor konstaton transaksione në gjendje pezull për çështje përputhshmërie me listën e sanksioneve, menjëherë kontakton me pjesëmarrësin për trajtimin e tij në përputhje me dispozitat përkatëse ligjore.
5. Në rast se DSPKF gjatë monitorimit të aktivitetit ditor, vë re anomali në funksionimin e sistemit, menjëherë njofton DTI-në dhe për sistemin AIPS të shlyerjes në Lekë edhe DOM me e-mail ose mjete të tjera komunikimi.
6. Në rast se DTI gjatë monitorimit të aktivitetit ditor të sistemeve që administron, vë re anomali, të cilat në mënyrë të drejtpërdrejtë ose të tërthortë ndikojnë elemente të mirëfunksionimit të sistemit AIPS, menjëherë njofton me e-mail DSPKF-në dhe kur ka ndikim në sistemin AIPS të shlyerjes në Lekë edhe DOM-in.

Neni 22

Veprimet e Bankës së Shqipërisë si pjesëmarrëse

1. Veprimet e iniciuara nga Banka e Shqipërisë si pjesëmarrëse e sistemit AIPS të shlyerjes në Lekë dhe/ose sistemin AIPS EURO përfshijnë:
 - a) instruksione të pagesave të gjeneruara automatikisht në sistemin AIPS nga ndërfaqësimi me sistemin e financës së Bankës së Shqipërisë;
 - b) instruksione të pagesave të regjistruara nga DSPKF me urdhër të njësisë së financës së Bankës së Shqipërisë, në rastet kur këto instruksione nuk mund të gjenerohen automatikisht në sistemin AIPS;

- c) instruksione të pagesave të regjistruara nga DSPKF për llogari të departamenteve të tjera të Bankës së Shqipërisë.
2. Krahas veprimeve të parashikuara në pikën 1 të këtij neni, ekzekutohen edhe veprimet e mbërritura në sistemin AIPS nga pjesëmarrësit në favor të Bankës së Shqipërisë.
3. DSPKF ndjek ecurinë e plotë të procesimit të instruksioneve të pagesave të iniciuara nga Banka e Shqipërisë dhe të mbërritura në favor të saj, që përfshin:
 - a) transmetimin e instruksioneve të pagesave në sistemin AIPS;
 - b) shlyerjen e instruksioneve të pagesave në sistemin AIPS;
 - c) dokumentimin e veprimeve në llogaritë përkatëse.

Neni 23

Shlyerja në AIPS e veprimeve të sistemeve vartëse

1. Në sistemin AIPS realizohet shlyerja e *cash-it* të veprimeve të iniciuara nga sistemet vartëse.
2. Transaksionet në AIPS për efekt të shlyerjes së veprimeve të origjinuara nga sistemet vartëse, gjenerohen nëpërmjet ndërfaqeve respektive me këto sisteme.
3. Sistemi AIPS proceson instruksionet me origjinë nga sistemet vartëse dhe në mungesë të fondeve të mjaftueshme, e vendos instruksionin e pagesës në radhën e pritjes duke marrë parasysh radhën e përparësisë.
4. DSPKF monitoron në sistemin AIPS transaksionet me origjinë nga sistemet vartëse dhe ndjek shlyerjen e tyre. Në rast mungese të fondeve, DSPKF komunikon me departamentet përkatëse në Bankën e Shqipërisë, si dhe pjesëmarrësit.
5. Në rast se pranë *Cut-off* përfundimtar në sistemin AIPS të shlyerjes në Lekë, evidentohen në radhën e pritjes, transaksione të origjinuara nga sistemet vartëse për të cilat përgjegjës i sistemit është DOM, DSPKF njofton DOM-in për të koordinuar zgjidhjen e situatës.
6. Në fund të çdo dite pune, DSPKF dhe DE kryejnë rakordimin e llogarive, të cilat preken nga aktiviteti i përbashkët.
7. Në rast pamundësie për të kryer një korrigjim të nevojshëm nga ana e DOM në një transaksion të origjinuar nga sistemet vartëse për të cilat DOM është përgjegjës i sistemit, atëherë DOM udhëzon me shkresë zyrtare dhe në raste urgjente me e-mail me miratimin nga Drejtori ose në mungesë të tij Zëvendësdrejtori i DOM-it, për pasqyrimin e veprimit në AIPS manualisht nga DSPKF.
8. Në rast pamundësie për të kryer një korrigjim të nevojshëm nga ana e DE në një transaksion të origjinuar nga sistemet vartëse për të cilat DE është përgjegjës i sistemit, atëherë DE udhëzon me shkresë zyrtare dhe në raste urgjente me e-mail duke bashkëngjitur të skanuar dokumentacionin dhe me miratim nga Drejtori ose në mungesë të tij Zëvendësdrejtori i DE-së, për pasqyrimin e veprimit në AIPS manualisht nga DSPKF.

9. DOM dhe DE pasi kanë përfunduar aktivitetet e lidhura me sistemin AIPS të shlyerjes në Lekë, njoftojnë respektivisht DSPKF-në për të vijuar me mbylljen e ditës së punës.

Neni 24 **Veprimet për Ministrinë**

Në zbatim të rolit të Bankës së Shqipërisë, bazuar në marrëveshjen e posaçme të lidhur midis Bankës së Shqipërisë dhe Ministrisë:

1. DTI është përgjegjës për:
 - a) mbarëvajtjen e infrastrukturës dhe proceseve teknike të lidhura me Ministrinë në funksion të sistemit AIPS të shlyerjes në Lekë;
 - b) integritetin e transmetimit të informacionit në infrastrukturën për të cilën është përgjegjëse Banka e Shqipërisë;
 - c) dërgimin e raporteve elektronike të gjeneruara nga sistemi AIPS i shlyerjes në Lekë drejt Ministrisë, për gjendjet e llogarive të Ministrisë dhe listës së transaksioneve të iniciuara prej Ministrisë që nuk ka qenë e mundur të shlyhen në sistemin AIPS të shlyerjes në Lekë.
2. DSPKF është përgjegjës për:
 - a) procesimin e instruksioneve të pagesave të Ministrisë në sistemin AIPS të shlyerjes në Lekë;
 - b) ndjekjen e procesit të shlyerjes së instruksioneve të pagesave të Ministrisë në sistemin AIPS të shlyerjes në Lekë;
 - c) mbajtjen e kontakteve dhe komunikimin me Ministrinë për rastet e pamjaftueshmërisë së fondeve dhe për të gjitha ngjarjet që pengojnë mbarëvajtjen e ndjekjes së procesit të shlyerjes;
 - d) dokumentimin e veprimeve të llogarive të Ministrisë.

Neni 25 **Veprimet për pjesëmarrësit e tjerë të tërthortë**

Në zbatim të akteve nënligjore apo procedurave nga të cilat buron e drejta për të kryer veprime financiare për pjesëmarrës të tërthortë të nënkategorive "ii." dhe "iii." në sistemin AIPS të shlyerjes në Lekë, sipas kategorizimit të përcaktuar në rregulloren për sistemin AIPS, DSPKF është përgjegjës për:

- a) procesimin e instruksioneve të pagesave të urdhëruara prej tyre;
- b) monitorimin e aktivitetit të lidhur me llogaritë e tyre;
- c) dokumentimin e veprimeve të këtyre llogarive.

Neni 26 **Rezerva e detyruar, interesat dhe gjobat**

1. DOM paraqet çdo muaj me shkresë zyrtare pranë DSPKF-së, gjendjen e rezervave të detyruara në Lekë për secilën bankë

- pjesëmarrëse në sistemin AIPS të shlyerjes në Lekë, si dhe normën e remunerimit dhe të gjobave për mosplotësimin e rezervës së detyruar, minimalisht një ditë pune përpara datës së regjistrimit të rezervës së detyruar në Lekë në sistemin AIPS të shlyerjes në Lekë.
2. DSPKF realizon regjistrimin e rezervave të detyruara në Lekë për secilën bankë pjesëmarrëse në sistemin AIPS të shlyerjes në Lekë.
 3. DSPKF gjeneron në sistemin AIPS të shlyerjes në Lekë përlllogaritjen e remunerimit dhe gjobave për secilën bankë pjesëmarrëse në të.
 4. Në çdo rast kur verifikohen pasaktësi në llogaritje, DSPKF dhe DOM koordinojnë për kryerjen e saktësimeve.
 5. DSPKF kryen përlllogaritjet për remunerimin e fondeve të mbetura gjendje në fund të çdo dite pune në llogarinë e shlyerjes në Euro të pjesëmarrësit në sistemin AIPS EURO, sipas mënyrës dhe normës së përcaktuar në aktet në fuqi.
 6. DSPKF regjistron në llogaritë përkatëse të shlyerjes së bankave në Euro, interesin për remunerimin e fondeve gjendje në llogarinë e shlyerjes në Euro, me frekuencë sipas përcaktimeve në aktet në fuqi.

KREU VI

NGJARJET E PAPANASHIKUARA DHE SITUATAT E EMERGJENCËS

Neni 27

Administrimi i ngjarjeve të paparashikuara dhe situatave të emergjencës

1. Ngjarje e paparashikuar në kuptimin e sistemit AIPS konsiderohet çdo mosfunksionim në:
 - a) infrastrukturën e sistemit AIPS;
 - b) komponentë të infrastrukturës IT që ka ndikim të drejtpërdrejtë ose të tërthortë në mirëfunksionimin e sistemit AIPS.
2. Situatë emergjence në kuptimin e sistemit AIPS konsiderohet çdo ndërprerje e rëndësishme e funksionimit të shërbimit të sistemit AIPS.
3. Shpallja e situatës së emergjencës kryhet nga DSPKF dhe DTI në bashkëpunim.
4. Ngjarjet e paparashikuara dhe situatat e emergjencës administrohen nga DTI dhe DSPKF në bashkëpunim dhe në përputhje me aktet nënligjore në fuqi.
5. Në çdo rast kur DTI konstaton një ngjarje të paparashikuar apo situatë emergjence në kuptimin e sistemit AIPS, njofton menjëherë DSPKF-në dhe kur ka ndikim në sistemin AIPS të shlyerjes në Lekë edhe DOM-in.
6. Në çdo rast, kur DSPKF konstaton një mosfunksionim në sistemin AIPS, njofton menjëherë DTI-në.
7. Menjëherë pas konstatimit të një ngjarjeje të paparashikuar, apo të

- një situatë emergjence në kuptimin e sistemit AIPS, DTI merr masa për zgjidhjen e saj.
8. DTI dhe DSPKF bashkëpunojnë për formulimin e njoftimit për pjesëmarrësit në rast se do të jetë e nevojshme.
 9. Në rast se brenda 30 minutave nga konstatimi i ngjarjes së paparashikuar, apo situatës së emergjencës, problematika nuk është zgjidhur dhe mosfunksionimi ndikon operacionet e pjesëmarrësve në sistemin AIPS, DSPKF dërgon me mesazh SWIFT dhe/ose e-mail njoftimin për pjesëmarrësit e sistemit sipas formulimit të përbashkët me DTI.
 10. Në rast se për shkak të ngjarjes së paparashikuar apo situatës së emergjencës, rivënia në punë e sistemit AIPS primar është e pamundur, DTI realizon procedurat për kalimin në sistemin *backup*.
 11. DTI në bashkëpunim me DSPKF-në, udhëzon pjesëmarrësit për hapat që duhet të ndjekin për kalimin në sistemin *backup* dhe vazhdimin e veprimeve operacionale.
 12. Me rikthimin e situatës në normalitet dhe kalimin në sistemin AIPS primar, gjithashtu DTI në bashkëpunim me DSPKF-në, udhëzon pjesëmarrësit.
 13. Menjëherë pas zgjidhjes së situatës, DSPKF njofton pjesëmarrësit me mesazh SWIFT dhe/ose e-mail.
 14. Ngjarjet e paparashikuara dhe situatat e emergjencës të lidhura me sistemin AIPS raportohen në përputhje me aktet nënligjore në fuqi.

Neni 28 Forca madhore

1. Në rastin e situatave që krijohen si pasojë e gjendjes së jashtëzakonshme, luftërave, turbullirave të tjera civile, fatkeqësive natyrore dhe për çdo rrethanë tjetër jashtë kontrollit të Bankës së Shqipërisë si operator i sistemit dhe pjesëmarrësve në sistem, si dhe si pasojë e çdo force tjetër madhore, drejtuesit e DTI-së dhe DSPKF-së kur është e mundur, vendosin për ndërprerjen e menjëherëshme të operimit të sistemit AIPS, me qëllim mbrojtjen e pajisjeve, të dhënave si dhe komponentëve të tjerë mbështetës të tij.
2. Me përfundimin e ngjarjeve që përbëjnë forcë madhore, DTI dhe DSPKF ndërmarrin hapat e nevojshëm për rifillimin e operimit të sistemit AIPS, duke monitoruar dhe duke kontrolluar në mënyrë të hollësishme transaksionet në sistemin AIPS.
3. DTI dhe DSPKF kryejnë analiza mbi aktivitetin dhe mbi bashkëveprimin e njësive të Bankës së Shqipërisë gjatë rasteve të forcave madhore, si dhe mbi përpjekjet e bëra për të mundësuar kthimin e aktivitetit operacional në sistem. Kur shihet e nevojshme, propozohen masa për përmirësime të procedurave dhe/ose të konfigurimeve të sistemeve dhe pajisjeve.

KREU VII DISPOZITA TË FUNDIT

Neni 29 Organizimi i brendshëm

1. Organizimi i brendshëm i punës brenda njësisë organizative të Bankës së Shqipërisë të përmendura në këtë rregullore, për ushtrimin e funksioneve dhe zbatimin e detyrave të përcaktuara nga dispozitat e kësaj rregulloreje, përcaktohet nëpërmjet manualeve përkatëse të veprimtarisë për çdo njësi organizative përbërëse, si dhe në përshkrimet e vendeve të punës së punonjësve.
2. Manualët dhe përshkrimet e vendeve të punës, të parashikura në pikën 1 të këtij neni, hartohen në përputhje me manualët e përdorimit të sistemit AIPS dhe me dispozitat e rregulloreve të organizimit dhe funksionimit të departamenteve përkatëse.
3. Matrica e korrespondencës së funksionaliteteve të sistemit AIPS që i përkasin roleve të përcaktuara për dhënien e aksesit përdoruesve në funksion të kryerjes së detyrave të tyre operacionale në sistemin AIPS, miratohet nga drejtuesit e DTI-së dhe DSPKF-së.
4. Kalendari i anëtarësimit të pjesëmarrësit në sistemin AIPS të shlyerjes në Lekë dhe në sistemin AIPS EURO është subjekt i specifikave që lidhen me ndryshimet teknologjike dhe përditësimet e herëpashershme, të cilave i nënshtrohet sistemi AIPS, dhe hartohet rast pas rasti nga DSPKF dhe DTI në bashkëpunim, si dhe miratohet nga drejtuesit e DSPKF-së dhe DTI-së.

Neni 30 Hyrja në fuqi

Rregullorja hyn në fuqi pas publikimit në Buletinin Zyrtar të Bankës së Shqipërisë.

KRYETARI I KËSHILLIT MBIKËQYRËS

GENT SEJKO



SHTOJCA A

BANKA E SHQIPËRISË

**DEPARTAMENTI I SISTEMEVE TË PAGESAVE DHE I KONTABILITETIT DHE FINANCËS
KËRKESË PËR APROVIM PROFILI PËRDORUESI NË AIPS**

Drejtori i
Departamentit kërkues

Tiranë, më

(_____)

Departamenti: _____

Sektori: _____

Drejtori i DSPKF

(_____)

Punonjësit: _____ me detyrë: _____
t'i jepen të drejtat si me poshtë:

Nr.	Aplikacioni AIPS	Përdorues
1	Aprovues Execute AIPS	<input type="checkbox"/>
2	Operator Execute AIPS	<input type="checkbox"/>
3	Operator AIPS	<input type="checkbox"/>
4	Monitorues	<input type="checkbox"/>
5	Monitorues BSH	<input type="checkbox"/>
6	Monitorues MF	<input type="checkbox"/>
7	BOA_Security_Officer	<input type="checkbox"/>

Nr.	Aplikacioni PO	Përdorues
1	Operator AIPS	<input type="checkbox"/>
2	Aprovues AIPS	<input type="checkbox"/>
3	Operator Enter (AIPS & AECH)	<input type="checkbox"/>
4	Operator Approve (AIPS & AECH)	<input type="checkbox"/>
5	Operator Back Office	<input type="checkbox"/>
6	Aprovues Back Office	<input type="checkbox"/>
7	Monitorues MF	<input type="checkbox"/>

DEPARTAMENTI I TEKNOLOGJISË SË INFORMACIONIT			
Punonjësi	_____		
Username	_____	Data	Nënshkrimi (Firma)
Krijoi	_____	_____	
Kontrolloi	_____	_____	

Drejtori i DTI

(_____)

SHTOJCA B
KONFIDENCIAL



BANKA E SHQIPËRISË

DEPARTAMENTI I TEKNOLOGJISË SË INFORMACIONIT

FORMULARI I KËRKESËS PËR CERTIFIKATË DIGJITALE AIPS	
Të plotësohet ky formular për të administruar certifikatat digjitale të përdoruesve të Bankës së Shqipërisë lidhur me sistemin AIPS	
Departamenti Kërkues	
Drejtori i Departamentit Kërkues (Emri Mbiemri / Nënshkrimi)	Data e kërkesës: _/_/____ (dd/mm/vvvv)

KËRKESË PËR CERTIFIKATA DIGJITALE

Nr.	Emri/Mbiemri i përdoruesit	Veprimi
1		<input type="checkbox"/> Gjenerim certifikatë e re
		<input type="checkbox"/> Rigjenerim certifikate
		<input type="checkbox"/> Zhbllokim pajisje sigurie
		<input type="checkbox"/> Rivendosje fjalëkalimi i pajisjes së sigurisë
		<input type="checkbox"/> Revokim certifikate

Shënim:

Drejtori i DSPKF
(Emri Mbiemri / Nënshkrimi)

Drejtori i DTI
(Emri Mbiemri / Nënshkrimi)

DEPARTAMENTI I TEKNOLOGJISË SË INFORMACIONIT			
Punonjësi			
Username		Data	Nënshkrimi (Firma)
Krijoi			
Kontrolloi			



**REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS**

VENDIM
Nr. 73, datë 22.12.2021

**PËR
MIRATIMIN E RREGULLORES "PËR RAPORTIMET NË BANKËN E SHQIPËRISË
TË ZËRAVE TË BILANCIT TË INSTITUCIONEVE TË KREDITIT DHE TË
INSTITUCIONEVE MONETARE FINANCIARE"**

Në bazë dhe për zbatim të nenit 12 shkronja "a", nenit 27, paragrafi i dytë, nenit 43 shkronja "c", dhe nenit 71 të ligjit nr. 8269, datë 23.12.1997, "Për Bankën e Shqipërisë", i ndryshuar; nenit 43, pika 3, dhe nenit 62, pika 1, shkronja "c", të ligjit nr. 52/2016, datë 19.5.2016, "Për shoqëritë e kursim-kreditit dhe unionet e tyre", me propozimin e Departamentit të Statistikave Financiare, Këshilli Mbikëqyrës i Bankës së Shqipërisë,

VENDOSI:

1. Të miratojë rregulloren "Për raportimet në Bankën e Shqipërisë të zërave të bilancit të institucioneve të kreditit dhe të institucioneve monetare financiare", sipas tekstit bashkëlidhur këtij vendimi.
2. Ngarkohet Departamenti i Statistikave Financiare të Bankës së Shqipërisë, për ndjekjen e zbatimit të këtij vendimi.
3. Ngarkohen Kabineti i Guvernatorit dhe Departamenti i Kërkimeve me publikimin e këtij vendimi, përkatësisht në Fletoren Zyrtare të Republikës së Shqipërisë dhe në Buletinin Zyrtar të Bankës së Shqipërisë.

Ky vendim hyn në fuqi 15 ditë pas botimit në Fletoren Zyrtare.

SEKRETARI

ELVIS ÇIBUKU

KRYETARI

GENT SEJKO

Neni 1 Objekti dhe fusha e veprimit

Rregullorja përcakton kërkesat e raportimit në lidhje me informacionin statistikor të zërave të bilancit, për subjektet raportuese që ushtrojnë aktivitet në territorin e Republikës së Shqipërisë, të përcaktuar si më poshtë:

- a) institucione monetare financiare (IMF) përveç institucioneve të kreditit;
- b) institucione krediti.

Neni 2 Baza ligjore

Kjo rregullore nxirret në mbështetje të:

- a) nenit 12 shkronja "a", nenit 27 paragrafi i dytë, nenit 43 shkronja "c", dhe nenit 71 të ligjit nr. 8269, datë 23.12.1997, "Për Bankën e Shqipërisë", i ndryshuar;
- b) nenit 43 pika 3, dhe nenit 62, pika 1, shkronja "c", të ligjit nr. 52/2016, datë 19.5.2016, "Për shoqëritë e kursim-kreditit dhe unionet e tyre".

Neni 3 Përkufizimet

Për qëllime të kësaj rregulloreje, zbatohen përkufizimet e mëposhtme:

1. "institucion monetar financiar" (IMF):
 - a) banka qendrore,
 - b) "korporata depozituese përveç bankës qendrore" dhe fondet e tregut të parasë;
2. "institucion krediti" është:
 - a) institucioni financiar që kryen veprimtari bankare në përputhje me përkufizimin në nenin 4 pika 2 të ligjit "Për bankat në Republikën e Shqipërisë",
 - b) institucioni financiar, veprimtaria e të cilit është pranimi i depozitave dhe/ose dhënia e huave vetëm për anëtarët e tyre sipas ligjit nr. 52/2016, datë 19.5.2016, "Për shoqëritë e kursim-kreditit dhe unionet e tyre";
3. "korporatat depozituese, përveç bankës qendrore", janë si më poshtë:
 - a) institucionet e kreditit që kryejnë veprimtari bankare në përputhje me përkufizimin në nenin 4 pika 2 të ligjit "Për bankat në Republikën e Shqipërisë" (bankat),
 - b) institucionet financiare, veprimtaria e të cilave është pranimi i depozitave dhe/ose dhënia e huave vetëm për anëtarët e tyre sipas ligjit nr. 52/2016, datë 19.5.2016, "Për shoqëritë e kursim-

- kreditit dhe unionet e tyre (SHKK-të dhe unionet e tyre),
- c) institucione të parasë elektronike;
4. "fondet e tregut të parasë" (FTP) janë institucione të sipërmarrjeve kolektive, të cilat kryejnë aktivitetin në përputhje me ligjin nr. 56/2020, datë 30.4.2020, "Për sipërmarrjet e investimeve kolektive", që investojnë kryesisht në aksione/kuota të tregut të parasë si edhe/ose depozita dhe letra me vlerë afatshkurtra, si edhe emetojnë aksione ose njësi që janë zëvendësuese të afërta për depozitat, siç referohet në pjesën 1 të shtojcës I bashkëlidhur kësaj rregulloreje;
5. "subjekte raportuese" janë të gjitha institucionet objekt i kësaj rregulloreje përcaktuar në nenin 1;
6. "rezident i Republikës së Shqipërisë" do të quhet:
- a) çdo person fizik, i cili:
- (i) pavarësisht nga kombësia, jeton ose ka për qëllim të jetojë në Republikën e Shqipërisë për një periudhë kohore më shumë se një vit,
 - (ii) ka rezidencën e tij të përhershme në Republikën e Shqipërisë dhe udhëton ose jeton përkohësisht në një vend tjetër për një periudhë kohore më pak se një vit,
 - (iii) ka rezidencën e tij të përhershme në Republikën e Shqipërisë, por është i punësuar pranë një ambasade, konsullate, baze ushtarake ose pranë ndonjë shërbimi tjetër të Republikës së Shqipërisë, i cili ndodhet jashtë territorit të Shqipërisë,
 - (iv) ka rezidencën e tij të përhershme në Republikën e Shqipërisë dhe studion ose merr trajtim mjekësor në një vend jashtë territorit të Republikës së Shqipërisë, pavarësisht nga kohëzgjatja e studimeve apo e trajtimit mjekësor,
 - (v) ka rezidencën e tij të përhershme në Republikën e Shqipërisë dhe punon në mjete lundrimi, mjete të transportit ajror, stacion hapësinor, platformë naftë ose çdo mjet tjetër të ngjashëm transporti/instalimi, i cili ushtron aktivitetin jashtë territorit ekonomik të Republikës së Shqipërisë,
 - (vi) është i punësuar pranë organizatave ndërkombëtare dhe ka qendrën e interesit ekonomik në Republikën e Shqipërisë për një periudhë kohore më shumë se një vit.
- Për qëllime të pikave (ii) deri në (v) të shkronjës "a", rezidenca e përhershme përcaktohet duke iu referuar territorit ekonomik në të cilin personi fizik qëndron pjesën më të madhe të kohës përgjatë vitit të referencës, duke përjashtuar këtu kohën në funksion të ushtrimit të detyrave si nëpunës civil;
- b) çdo departament dhe shërbim i qeverisë së Republikës së Shqipërisë,
- c) çdo njësi vendore në Republikën e Shqipërisë, si edhe çdo njësi shërbimi apo institucion në varësi,
- d) çdo organizatë apo shoqëri e çfarëdolloj forme ligjore themeluar dhe regjistruar në Republikën e Shqipërisë,
- e) çdo institucion fetar në Republikën e Shqipërisë,

- f) degët e personit juridik të huaj të themeluar dhe regjistruar jashtë Republikës së Shqipërisë dhe që ushtrojnë aktivitetin ekonomik në Republikën e Shqipërisë,
 - g) rastet kur çdo person fizik apo juridik, i cili nuk trajtohet si "rezident i Republikës së Shqipërisë", konsiderohet jorezident i Republikës së Shqipërisë,
 - h) organizatat ndërkombëtare trajtohen si jorezidente të Republikës së Shqipërisë;
7. "entitet me qëllim të posaçëm" (SPV), ka të njëjtin kuptim të përcaktuar në nenin 4, pika 2, shkronja "c", numër 51, të rregullores nr. 48/2013 "Për raportin e mjaftueshmërisë së kapitalit";
 8. "titullzim" ka të njëjtin kuptim të përcaktuar në nenin 4, pika 2, shkronja "c", numër 43 të rregullores nr. 48/2013 "Për raportin e mjaftueshmërisë së kapitalit";
 9. "institucion i parasë elektronike" ka të njëjtin kuptim të përcaktuar në nenin 4, pika 46, të ligjit "Për bankat në Republikën e Shqipërisë";
 10. "para elektronike" ka të njëjtin kuptim të përcaktuar në nenin 4, pika 47, të ligjit "Për bankat në Republikën e Shqipërisë";
 11. "zhvlerësim" është reduktimi direkt i pjesshëm i tepricës së kredisë në bilanc, për shkak të përkeqësimit të cilësisë së saj;
 12. "fshirje" është "zhvlerësimi" i plotë i tepricës së kredisë që rezulton me nxjerrjen jashtë pasqyrave të bilancit;
 13. "shërbyes" është një IMF që administron kreditë që janë subjekt i titullzimit ose kreditë që janë transferuar në këtë institucion, me qëllim grumbullimin e kryegjësë dhe të interesit nga kredimarrësi;
 14. "pozicione brenda grupit" janë huatë dhënë ose depozitat marrë nga korporatat depozituese që pranojnë depozita dhe që i përkasin të njëjtit grup, dhe që përbëhen nga një mëmë dhe të gjithë anëtarët e grupit, dhe që kontrollohen në mënyrë direkte ose indirekte prej saj;
 15. "fondet rezervë për kreditë e humbura" janë fonde që vihen nënjanë nga subjekti raportues për mbulimin e kredive të humbura sipas praktikave përkatëse të kontabilitetit bankar;
 16. "zotërimet e titujve vetjakë" janë titujt që mbahen nga subjekti raportues emetues, si rezultat i njëres prej situatave të mëposhtme:
 - a) ruajtja e titujve në emetim ose blerja nga subjekti raportues i titujve të shitur më herët, që janë regjistruar në bilancin e kontabilitetit të subjektit raportues emetues,
 - b) ruajtja e titujve në emetim ose blerja nga subjekti raportues i titujve të shitur më herët, të cilët nuk janë regjistruar në bilancin e kontabilitetit, por që përdoren ose janë të gatshëm për përdorim nga emetuesi për veprime tregtare;
 17. "degë" është "dega" siç përkufizohet në nenin 4, pika 14, të ligjit "Për bankat në Republikën e Shqipërisë";
 18. "mosnjohja" (*derecognition*) është heqja e një kredie ose një pjese të saj nga teprica e raportuar në përputhje me pjesët 2 dhe 3 të Shtojcës I;

19. "transferimi i kredisë" është një blerje ose shitje nga subjekti raportues i një kredie ose një pakete kredisë, të përfituara ose me transfertë pronësie ose me nënpjesëmarrje;
20. "bashkimi me përthithje" i referohet procesit të shpërbërjes pa iu nënshtruar likuidimit, sipas së cilit një ose më shumë institucione (institucionet që përthithen) ia transferojnë të gjitha mjetet dhe detyrimet e tyre një institucioni tjetër (institucionit përthithës), që mund të jetë një institucion i krijuar rishtas.

Neni 4

Lista e IMF-ve për qëllime statistikore

1. Banka e Shqipërisë harton dhe mirëmban listën e IMF-ve bazuar në informacionin statistikor të regjistruar nga Banka e Shqipërisë.
2. Banka e Shqipërisë publikon në faqen zyrtare të saj listën e përditësuar të IMF-ve për qëllime statistikore.

Neni 5

Kërkesat e raportimit statistikor

Institucionet monetare financiare (IMF), përveç institucioneve të kreditit dhe institucionet e kreditit, do të raportojnë pranë Bankës së Shqipërisë paketat sipas grupeve të mëposhtme.

1. Korporatat depozituese (bankat) raportojnë pranë Bankës së Shqipërisë të dhënat në Shtojcën II, Pjesa e 1-rë, bashkëlidhur kësaj rregulloreje.
2. Shoqëritë e kursim-kreditit raportojnë pranë Bankës së Shqipërisë të dhënat në Shtojcën II, Pjesa e 2-të, bashkëlidhur kësaj rregulloreje.
3. Fondet e tregut të parasë raportojnë pranë Bankës së Shqipërisë të dhënat në Shtojcën II, Pjesa e 3-të, bashkëlidhur kësaj rregulloreje.

Neni 6

Afati i raportimit

1. Korporatat depozituese (bankat) dërgojnë të dhënat statistikore me bazë mujore/tremujore përcaktuar në këtë rregullore, 10 ditë kalendarike mbas periudhës referencë.
2. Shoqëritë e kursim-kreditit dërgojnë të dhënat statistikore me bazë tremujore përcaktuar në këtë rregullore, 50 ditë kalendarike mbas periudhës referencë.

Neni 7

Parimet kontabël për qëllim të raportimit statistikor

1. Për qëllim të raportimit sipas kësaj rregulloreje dhe nëse nuk parashikohet ndryshe, subjektet raportuese ndjekin rregullat e kontabilitetit kombëtar dhe standardet ndërkombëtare përkatëse.

2. Për qëllim të kësaj rregulloreje, subjektet raportuese i raportojnë të gjitha mjetet dhe detyrimet financiare në bazë bruto.
3. Kur subjektet raportuese raportojnë depozitat në detyrime dhe kreditë, zbatohen rregullat e mëposhtme:
 - a) subjektet raportuese raportojnë sasi të gjendje të kryegjësë së depozitave në detyrime dhe kredive në fund të muajit;
 - b) subjektet raportuese përjashtojnë fshirjet e kredive nga sasia gjendje e raportuar, sipas praktikave përkatëse të kontabilitetit;
 - c) subjektet raportuese nuk i netojnë depozitat në detyrime dhe kreditë përkundrejt mjeteve ose detyrimeve të tjera.
4. IMF-të përjashtojnë nga shumat përkatëse të mjeteve dhe detyrimeve mbajtjet/ zotërimet e titujve të borxhit dhe kapitalet që kanë emetuar vetë.

Neni 8

Standardet minimale dhe rregullat e raportimit kombëtar

1. Subjektet raportuese zbatojnë kërkesat e raportimit statistikor, të cilave iu nënshtrohen në përputhje me standardet minimale rreth transmetimit të informacionit, saktësisë, përputhshmërisë me konceptet e përcaktuara në Shtojcën II.
2. Banka e Shqipërisë përkufizon dhe zbaton rregullat e raportimit që ndiqen nga popullata raportuese aktuale në përputhje me kërkesat kombëtare. Banka e Shqipërisë garanton që rregullat e raportimit në fjalë të mundësojnë kontrollin e saktë në përmbushjen e standardeve minimale rreth transmetimit të informacionit, saktësisë dhe përputhshmërisë me konceptet e përcaktuara në Shtojcën I.

Neni 9

Bashkimet me përthithje, ndarjet dhe riorganizimet

1. Një subjekt raportues (edhe kur kërkohet miratimi i Bankës së Shqipërisë për këtë proces) njofton Bankën e Shqipërisë (Departamentin e Statistikave Financiare) për bashkimet me përthithje, ndarjet ose riorganizimet e tjera, kur:
 - a) bashkimi, ndarja ose riorganizimi mund të ndikojë në përmbushjen e kërkesave për raportim në subjektin raportues;
 - b) qëllimi i ekzekutimit të procesit referuar në shkronjën "a" shpallet publikisht.
2. Njoftimi i përmendur në pikën 1 të këtij neni duhet të:
 - a) të marrë kohën e domosdoshme përpara se të hyjë në fuqi bashkimi me përthithje, ndarja ose forma të tjera riorganizimi; dhe
 - b) të përcaktojë procedurat që do të zbatohen për të përmbushur kërkesat e raportimit statistikor të përcaktuara në këtë rregullore.

3. Kur bashkimi midis subjekteve raportuese ndodh ndërmjet periudhës referencë dhe afatit të raportimit të të dhënave statistikore për atë periudhë referencë të përcaktuar nga Banka e Shqipërisë sipas nenit 6, institucioni përthithës plotëson kërkesat e raportimit të institucioneve të përthithura për atë periudhë referencë, pa marrë parasysh bashkimin.
4. Kur ndodh një bashkim mes subjekteve raportuese gjatë një periudhe referencë, Banka e Shqipërisë mund ta lejojë institucionin përthithës t'i raportojë të dhënat statistikore të institucioneve të blera ndarazi nga të dhënat e veta statistikore, për periudhën referencë në fjalë dhe për periudhat referencë vijuese.

Neni 10

Raportimi i të dhënave statistikore për bazën e rezervës të detyrueshme

Institucionet e kreditit i raportojnë Bankës së Shqipërisë të dhënat statistikore të referuara në Shtojcën III, pjesa 1, që janë të domosdoshme për të llogaritur bazën e rezervës të detyrueshme të institucioneve të kreditit, në përputhje me rregulloren nr. 29, datë 16.5.2012, "Mbi minimumin e rezervës së detyruar mbajtur në Bankën e Shqipërisë nga bankat", ndryshuar me vendim nr. 10, datë 7.2.2018.

Neni 11

Verifikimi dhe mbledhja e detyrueshme

1. Banka e Shqipërisë ka të drejtë të verifikojë të dhënat që subjektet raportuese duhet të paraqesin sipas kësaj rregulloreje.
2. Banka e Shqipërisë merr masat e parashikuara në ligjin "Për bankat në Republikën e Shqipërisë", kur subjekti raportues nuk i përmbush standardet e raportimit, saktësisë, përputhshmërisë me konceptet dhe rishikimet e përcaktuara në Shtojcën 1.

Neni 12

Raportimi i parë

1. Raportimi i parë i të dhënave statistikore mujore sipas nenit 5, pika 1 dhe pika 2, fillon me të dhënat e muajit shtator 2022.
2. Raportimi i parë i të dhënave statistikore tremujore sipas nenit 5, pika 1 dhe pika 2, fillon me të dhënat e tremujorit të tretë të vitit 2022.

Neni 13

Procedurë e thjeshtuar ndryshimi

Administratori përkatës që ka në varësi Departamentin e Statistikave Financiare (DSF) mund të kryejë ndryshime teknike të Shtojcave pa

miratimin e Këshillit Mbikëqyrës të Bankës së Shqipërisë, me kusht që këto ndryshime të mos ndryshojnë kornizën konceptuese thelbësore, dhe të mos ndikojnë mbi barrën e raportimit të subjekteve raportuese.

Neni 14 Dispozita përjashtuese

Banka e Shqipërisë mund të lejojë përjashtime nga kërkesat e raportimit statistikor të referuara në paragrafin 1, kur sasia gjendje e totalit të aktiveve të një subjekti është më e vogël sesa 1% e IMF-ve. Në çdo rast, sasia gjendje e totalit të aktiveve të të gjitha subjekteve raportuese të përjashtuara nuk mund të jetë më shumë se/ose e barabartë me 5% e totalit të aktiveve të IMF-ve.

Neni 15 Dispozitë e fundit

Shtojcat bashkëlidhur kësaj rregulloreje janë pjesë përbërëse e saj.

KRYETARI I KËSHILLIT MBIKËQYRËS

GENT SEJKO

SHTOJCA I

KËRKESAT PËR RAPORTIM STATISTIKOR

PJESA I

Evidentimi i IMF-ve të veçanta bazuar në parimin e zëvendësueshmërisë së depozitave

1. Institucionet financiare, përveç institucioneve të kreditit, të cilat emetojnë instrumente financiare që konsiderohen zëvendësuese të përiferita për depozitat, klasifikohen si IMF, me kusht që të plotësojnë përkufizimin e IMF-së në aspekte të tjera. Klasifikimi bazohet në kriterin e zëvendësueshmërisë së depozitave, pra, nëse detyrimet klasifikohen si depozita, gjë që përcaktohet nga likuiditeti i tyre, karakteristikat e kombinuara të përçueshmërisë, konvertueshmëria, siguria dhe tregtueshmëria, dhe duke pasur parasysh, sipas rastit, afatin e tyre të emetimit.
2. Kriteret e zëvendësueshmërisë së depozitave zbatohen edhe për të përcaktuar nëse detyrimet duhet të klasifikohen si depozita, përveçse kur ka një kategori të veçantë për këto detyrime.
3. Për qëllim si të përcaktimit të zëvendësueshmërisë së depozitave ashtu edhe të klasifikimit të detyrimeve si depozita:
 - a) përçueshmëria i referohet mundësisë së mobilizimit të fondeve të vendosura në një instrument financiar, duke përdorur lehtësira paguese të tilla si çeqe, urdhërtransfertë, debi direkt ose mjete të ngjashme;
 - b) konvertueshmëria i referohet mundësisë dhe kostos së konvertimit të instrumenteve financiare në valutë ose depozitave të transferueshme; humbjet e avantazheve fiskale në rast se këto konvertime mund të konsiderohen për penalizim që redukton shkallën e likuiditetit;
 - c) siguria është të njohësh paraprakisht me përpikëri vlerën kapitale të instrumentit financiar në kuptimin e monedhës kombëtare;
 - d) titujt e kuotuar dhe të tregtuar rregullisht në një treg të organizuar, konsiderohen të tregtueshëm. Për aksionet e iniciativave investuese kolektive e të hapura, nuk ka tregje në kuptimin e zakonshëm.
4. Titujt/zërat e emetuar nga iniciativat investuese kolektive, që operojnë vetëm si skema të kursimeve të punonjësve, dhe kur sipas këtyre skemave, investitorët lejohet ta blejnë rishtas investimin e tyre vetëm në përputhje me termat kufizues të riblerjes të shkëputur nga zhvillimet e tregut, nuk konsiderohen zëvendësues të afërt për depozitat.

PJESA 2

Pasqyra e bilancit (sasitë gjendje mujore)

Kërkesat mujore janë si në vijim:

1. Kategori instrumenti
 - (a) Detyrime
Kategoritë përkatëse të instrumentit janë: valuta në qarkullim, detyrimet

depozitare, aksionet/njësiti e emetuara të FTP-së, titujt e emetuar të borxhit, kapitali dhe rezervat dhe detyrime të tjera. Me qëllim veçimin e detyrimeve monetare dhe jomonetare, edhe detyrimet depozitare ndahen në: depozita njëditore, depozita me maturim të përcaktuar, depozita me njoftim paraprak dhe marrëveshjet e riblerjes (REPO). Shiko përkufizimet në Shtojcën II.

(b) Mjetet

Kategoritë përkatëse të instrumentit janë: *cash*-i, huatë, titujt e borxhit të mbajtur, kapitali, aksionet e fondit të investimit, mjetet jofinanciare dhe mjete të tjera. Shiko përkufizimet në Shtojcën II.

2. Shpërndarja sipas maturitetit

Shkurtimet e maturimit origjinal paraqesin një zëvendësues për elementin instrument kur instrumentet financiare nuk janë plotësisht të krahasueshme ndërmjet tregjeve.

(a) Detyrime

Intervalet kufi për maturitetin ose për periudhat e njoftimit paraprak, janë: për depozitat me afat, maturim origjinal 1-mujor, 3-mujor, 6-mujor, 1-vjeçar, 2-vjeçar dhe mbi 2-vjeçar, dhe për depozitat me njoftim paraprak, tremujor ose dyvjeçar. Repot nuk ndahen sipas maturimit sepse këto janë zakonisht instrumente me afat shumë të shkurtër, pra, zakonisht më pak se tre muaj maturim origjinal. Titujt e borxhit të emetuar nga IMF-të ndahen në njëvjeçare ose dyvjeçare. Për aksionet/kuotat nga FTP-të nuk kërkohet shpërndarje sipas maturitetit.

(b) Mjetet

Intervalet kufi për maturitetin janë: për huatë e rezidentëve (përveç IMF-ve) sipas nënsektorit dhe më tej për huatë ndaj individëve sipas qëllimit, deri në një vit, nga 1 deri në 5 dhe mbi 5 vjet, dhe për zotërimet e titujve të borxhit të emetuara nga IMF-të me vendndodhje në territorin e Shqipërisë, me maturitet një ose dyvjeçar.

3. Shpërndarja sipas qëllimit dhe identifikimi i veçantë i huave për të vetëpunësuarit.

Huatë për individët dhe institucionet jofitimprurëse që i shërbejnë individëve ndahen më tej sipas qëllimit të huasë (kredi për konsum, hua për blerje banesash, ose hua për qëllime të tjera). Brenda kategorisë "hua për qëllime të tjera", huatë dhënë të vetëpunësuarve, identifikohen si zë i veçantë.

4. Shpërndarja sipas monedhës

Për zërat e bilancit që mund të përdoren në hartimin e agregatëve monetarë, balancat raportohen sipas monedhës origjinale.

5. Shpërndarja sipas sektorëve dhe rezidencës së kundrapalëve.

5.1. Hartimi i agregatëve monetarë dhe kundërpartive respektive kërkon evidentimin e atyre kundërpartive me vendndodhje në territorin e Shqipërisë, që përbën sektorin e korporatave depozituese. Me qëllim hartimin e agregatëve monetarë dhe kundërpartive të tyre, sektorët kundërparti jo-IMF ndahen siç është përcaktuar në Sistemin Evropian të Llogarive të rishikuar (më poshtë "ESA 2010"), të përcaktuar në rregulloren nr. 549/2013 (BE) (shiko Pjesën 3 të Shtojcës II), në qeveri të përgjithshme (S. 13), me qeveri qendrore (S. 1311) të identifikuara veçmas në depozitat e pasivitetit të bilancit, dhe sektorët e tjerë rezidentë.

Për të llogaritur tek agregatët monetarë dhe kundërpartitë, sektorët e tjerë rezidentë ndahen më tej në nënsektorët e mëposhtëm: korporata jofinanciare (S.11), individë + institucione jofitimprurëse që i shërbejnë individëve (S.14 + S.15), kompani sigurimi (S.128), fonde pensioni (S.129), fonde investimi jo-FTP (S.124), ndërmjetësuesit e tjerë financiarë (S.125), ndihmësa financiarë (S.126), dhe Kompanitë e financimit të kontrolluara nga kompani të tjera dhe huadhënësit e parave (S.127). Për qëllim raportimin e disa zërave të bilancit, si huatë dhe titujt e borxhit, tre sektorët fundorë shkrihen në një (S.125 + S.126 + S.127). Një dallim shtesë bëhet për kundërpartitë që janë FVC, brenda ndërmjetësve të tjerë financiarë (S.125). Për të vetëpunësuarit shiko Seksionin 3.

- 5.2. Kundërpartitë e IMF-së ndahen në bankë qendrore (S.121), korporata që pranojnë depozita (S.122), dhe FTP-të (S.123). Kjo ndarje bëhet për të kuptuar më mirë huadhënien dhe politikat financuese në sektorin bankar dhe për të monitoruar më mirë aktivitetet ndërmjet bankave.
- 5.3. Në lidhje me pozicionet ndërmjet grupit, bëhet një dallim shtesë mbi pozicionin e subjektit raportues në kredi dhe depozita dhe transaksionet me korporatat që pranojnë depozita, (S.122), për të lejuar identifikimin e lidhjeve të ndërmjetme mes subjekteve që i përkasin të njëjtit grup (rezident).
- 5.4. Në lidhje me zotërimet e titujve të borxhit me maturitet origjinal deri në një vit, sipas valutës, bëhet një dallim shtesë për qeverinë e përgjithshme (S.13), për të garantuar një pasqyrim më të mirë të ndërlidhjeve të tyre mes qeverisë dhe bankave.
- 5.5. Kundërpartitë rezidente dallohen nga kundërpartitë jorezidente për pothuaj të gjitha ndarjet statistikore në raportim.
- 5.6. Në rastin e aksioneve/kuotave të FTP-ve, subjektet raportuese, në më të paktën, referojnë të dhëna për rezidencën e zotëruesve sipas rezident/jorezident. Banka e Shqipërisë do të mbledhë të dhëna të detajuara për shtetin e mbajtësit të aksioneve/kuotave nëpërmjet formularëve 8.1 dhe 8.2 "Letrat me vlerë/mjete" dhe "Letrat me vlerë/detyrime":
 - (a) sa i përket aksioneve/kuotave të FTP-së për të cilat mbahet një regjistër që evidenton zotëruesit e saj, duke përfshirë të dhënat mbi rezidencën e zotëruesve, FTP-të emetuese ose personat që i përfaqësojnë ato ligjërisht, raportojnë të dhënat mbi shpërndarjen e rezidencës së zotëruesve të aksioneve/kuotave të emetuara prej tyre, në formularin 8.1 dhe 8.2;
 - (b) sa i përket aksioneve/njësive të FTP-së, për të cilat nuk mbahet regjistër që evidenton zotëruesit e tyre, ose për të cilat mbahet regjistër, por ai nuk përmban të dhëna për shtetin e zotëruesve, subjektet raportuese referojnë minimumi ndarjen në rezidentë dhe jorezidentë në bilanc.
6. Shpërndarja e kapitalit dhe rezervave
Kjo shpërndarje kërkohet për të siguruar të dhëna mbi zërat kontabël të kapitalit dhe rezervave dhe për të monitoruar ndërveprimin e këtij zëri me zhvillimet e tjera në pasqyrën e bilancit.
7. Evidentimi i derivativeve, interesave të përlllogaritura të kredive dhe depozitave si pjesë e zërit mjete/detyrime të tjera. Kjo shpërndarje

- kërkohet për të rritur përputhshmërinë ndërmjet statistikave.
8. Zotërimet e titujve vetjakë - Letrat me vlerë/ obligacione të emetuara nga banka
Ky raportim statistikor kërkon të dhëna mbi zotërimet vetjake të titujve të borxhit dhe kapitalit të emeluar nga vetë IMF-ja, të cilët janë përjashtuar nga mjetet dhe detyrimet sipas nenit 7, pika 4.
 9. Për huatë ndaj korporatave jofinanciare dhe individëve, me maturitet origjinal mbi një vit dhe me maturitet origjinal mbi dy vite, ku përtej tyre nevojiten pozicione për disa maturitete të mbetura dhe periudha e fiksimit të normës së interesit. Fiksimit i normës së interesit kuptohet si ndryshimi i normës së interesit të një huaje që parashikohet në kontratën aktuale të kredisë. Huatë që janë objekt i fiksimit të normës së interesit, ndër të tjera, përfshijnë huatë me norma interesi që rishikohen periodikisht në përputhje me zhvillimin e një indeksi, p.sh. Euribor, huatë me norma interesi që rishikohen vazhdimisht, dhe huatë me norma interesi që rishikohen sipas gjykimit të huadhënësit.
 10. Ndarja sipas sektorit të pozicioneve me kundërpartitë jorezidente.
Klasifikimi i sektorit në përputhje me SNA 2008 zbatohet kur nuk është në fuqi ESA 2010.
 11. Evidentimi i pronës së paluajtshme si pjesë e mjeteve jofinanciare.
Kjo shpërndarje duhet për të paraqitur të dhënat shitesë për mjetet jofinanciare dhe për të monitoruar rëndësinë që kanë pasuritë e paluajtshme për sektorin bankar.
 12. Evidentimi i pozicioneve në bilanc të derivateve financiare me një shpërndarje sipas sektorit të përfshirë në mjetet dhe detyrimet e tjera.
Kjo shpërndarje duhet për të theksuar përputhshmërinë ndërmjet statistikave.
 13. Shpërndarja e letrave me vlerë të kapitalit që mbahen në aksionet e listuara, aksionet e palistuara dhe kapitale të tjera.
Ky raportim mundëson informacion për mënyrën e mundshme të tregtimit të letrave me vlerë të kapitalit.

PJESA 3 **PASQYRA E BILANCIT (SASITË GJENDJE TREMUJORE)**

Për të analizuar më tej zhvillimet monetare dhe për t'i shërbyer qëllimeve të tjera statistikore, Banka e Shqipërisë kërkon zërat kyç të mëposhtëm:

1. Shpërndarja sipas monedhave (shiko formularin Bilanc_Monedha).
Shpërndarja sipas valutës kërkohet për huatë në lidhje me monedhën kombëtare LEK dhe për depozitat, huatë dhe titujt e borxhit që mbahen për monedha të përzgjedhura (euro, paund britanik, dollar amerikan, frangë zvicerane dhe jen japonez).
Kjo shpërndarje kërkohet për të lejuar llogaritjen e transaksioneve për agregatët monetarë dhe kundrapalët e përshtatura për ndryshimet e kursit të këmbimit, kur këta agregatë përfshijnë të gjitha monedhat e kombinuara.

PJESA 4
KËRKESAT RAPORTUESE PËR KORPORATAT DEPOZITUESE (BANKAT)

Nr. i formularit:	Emri i formularit:	Periodiciteti
F20_21Pkon	Bilanci i pakonsoliduar	Mujor
20_21Pkon_Valutor	Bilanci valutor i pakonsoliduar	Mujor
33A	Huatë sipas sektorit, monedhës dhe afatit	
33B	Huatë sipas qëllimit të përdorimit dhe monedhës	Mujor
33B1	Huatë sipas tipit të huasë dhe monedhës	Mujor
33B3	Huatë e fshira dhe pjesërisht të fshira nga bilanci, gjatë muajit	Mujor
34	Huatë e korporatave jofinanciare private sipas aktivitetit ekonomik	Mujor
F34.1	Huatë e korporatave jofinanciare publike sipas aktivitetit ekonomik	Mujor
F34.2	Huatë sipas cilësisë të portofolit të huave dhe aktivitetit ekonomik për korporatat jofinanciare	Mujor
35	Depozita të sektorëve rezidentë, gjendja në fund të muajit	Mujor
35.2	Depozitat e reja dhe tërheqjet gjatë muajit të depozitave të sektorëve rezidentë	Mujor
8.1	Letrat me vlerë të emtuara nga rezidentët dhe jorezidentët, dhe të mbajtura nga sektori bankar	Mujor
8.2	Letrat me vlerë të emtuara nga sektori bankar dhe të mbajtura nga sektorët rezidentë dhe jorezidentë	Mujor
8.3	Letrat me vlerë të emtuara nga jorezidentët dhe të mbajtura nga sektorët rezidentë (në kujdestari të bankës)	Mujor
8.4	Letrat me vlerë të emtuara nga sektorët rezidentë dhe të mbajtura nga sektorët jorezidentë (në kujdestari të bankës)	Mujor
31.1	Instrumentet financiare në mjete dhe detyrime	Mujor
35.1	Depozita me afat të jorezidentëve	Mujor
Bilanc_Monedha	Zërat e bilancit sipas monedhave	Tremujor
RivM	Ndryshime nga Rivlerësimi - Mjete	Mujor
RIVL	Ndryshime nga Rivlerësimi - Detyrime	Mujor
Titullzimi-fluks	Transferimet neto të huasë (blerjet minus shitjet)	Mujor
Titullzimi-Stock.riv.	Sasitë gjendje dhe ndryshimet nga rivlerësimi i huave të transferuara	Mujor
F1	Depozitat e rezidentëve sipas rrethit	Tremujor
F2	Huatë sipas rrethit	Tremujor
F3	Huatë sipas aktivitetit ekonomik dhe rrethit	Tremujor
F4	Huatë e rezidentëve sipas monedhave dhe rretheve	Tremujor

PJESA 5 KËRKESAT RAPORTUESE PËR SHOQËRITË E KURSIM-KREDITIT

Nr. i formularit:	Emri i formularit:	Periodiciteti
F1	Aktive	Tremujor
F2	Pasive	Tremujor
F5	Kreditë e klasifikuara sipas kalimit të afatit të kthimit	Tremujor
F7	Cilësia e portofolit të kredisë	Tremujor
F8/1	Depozita të anëtarëve rezidentë sipas sektorit, afatit dhe monedhës	Tremujor
F9	Pozicioni në valutë - Aktivi	Tremujor
F9/1	Pozicioni në valutë - Pasivi	Tremujor
F10	Pozicionet e hapura valutore	Tremujor
F11	Kapitali	Tremujor
F17	Huatë e dhëna sipas aktivitetit ekonomik dhe cilësisë së portofolit	Tremujor
F18	Huatë e anëtarëve sipas sektorit, monedhës, afatit dhe qëllimit të përdorimit	Tremujor
F21	Kategoritë e kredive të dhëna nga SHKK-ja	Tremujor
F22	Portofoli i qirasë financiare	Tremujor
F24	Bono thesari dhe tituj të Qeverisë Shqiptare me afat mbi 1 vit të mbajtura nga SHKK-të	Tremujor
F28	Të dhëna mbi kapitalin dhe borxhin e varur	Tremujor

PJESA 6 KËRKESAT RAPORTUESE PËR FONDET E TREGUT TË PARASË

Tabela 1	Pasqyra e detajuar e mjeteve dhe detyrimeve të Fondeve të Investimit	Tremujor
8.1	Letrat me vlerë/mjete	Mujor
8.2	Letrat me vlerë /detyrime	Mujor

PJESA 7 RAPORTIMI I RREGULLIMEVE NGA RIVLERËSIMI PËR PËRPILIMIN E TRANSAKSIONEVE

Rregullimet nga rivlerësimi janë të domosdoshme, sepse i lejojnë bankës qendrore të llogarisë transaksionet financiare. Ato paraqesin të dhëna për ndikimin e ndryshimeve të çmimeve ose vlerësime të tjera mbi shumat gjendje të aktiveve dhe detyrimeve, që raportohen në bilanc, në fund të periudhës. Ndryshimet në sasi të gjendje për shkak të ndikimit të lëvizjeve të kursit të këmbimit në mjetet dhe detyrimet që nuk janë në monedhën vendase, nuk përfshihen në rregullimet e rivlerësimit të raportuar (rregullimet e kursit të këmbimit për qëllim të përpilimit të transaksioneve përftohen veçmas).

Kërkesat minimale për raportimin e ndryshimeve nga rivlerësimi përcaktohen në RivM dhe RIVL. Më poshtë janë paraqitur çështje specifike për raportimin e ndryshimeve të rivlerësimit të huave dhe titujve.

1. Rivlerësimi i huave (duke përfshirë zhvlerësimet/fshirjet)
Rregullimet rivlerësuese reflektojnë ndryshimet në sasi të gjendje të huave të raportuara në përputhje me kërkesat e kësaj rregulloreje, të shkaktuara nga zbatimi i zhvlerësimeve, duke përfshirë zhvlerësimin e të gjithë shumës gjendje të huasë (fshirja), dhe riblerjen e kredive të fshira apo të zvogëluara. Një ndryshim rivlerësues regjistrohet gjithashtu për të përfshirë diferencën mes ndryshimit në sasi të gjendje të huave që shkaktohet nga nxjerrja jashtë bilancit e një huaje (dhe vlerës së transaksionit (d.m.th. çmimi i shitjes). Në të njëjtën mënyrë, blerja e një huaje me një çmim më pak se sa sasia gjendje e raportuar, rezulton në një rivlerësim pozitiv.
2. Rivlerësimi i çmimit të titujve
Rivlerësimi i titujve i referohet luhatjeve në vlerësimin e titujve, që vjen si pasojë e një ndryshimi në çmimin në të cilin titujt regjistrohen ose tregtohen. Rregullimi përfshin ndryshimet që ndodhin, gjatë kohës, në vlerën e sasive gjendje të bilancit në fund të periudhës, për shkak të ndryshimeve në vlerën referencë, në të cilën titujt regjistrohen, d.m.th. fitimet/humbjet e mundshme. Mund të përmbajë edhe ndryshime në vlera që shkaktohen nga transaksionet e titujve, d.m.th. fitimet/humbjet e realizuara.

PJESA 8

KËRKESAT E RAPORTIMIT STATISTIKOR PËR TITULLZIMIN E HUAVE DHE TRANSFERTAVE TË TJERA TË HUAVE

1. Kërkesat e përgjithshme
 - 1.1. Të dhënat raportohen në përputhje me Nenin 8. Të gjithë zërat e të dhënave ndahen sipas rezidencës dhe nënsektorit të debitorit siç tregohet në emërtimet e kolonave të formularit Titullzimi-fluks.
 - 1.2. Titullzimet dhe transfertat e tjera të huave dallohen nga njëra-tjetra. Huatë e fshira gjatë një faze magazinimi në një titullzim, trajtohen sikur të ishin titullzuar tashmë. Për titullzimet që përfshijnë FVC-të rezidente në Republikën e Shqipërisë duhet një identifikim i veçantë. Për transfertat e tjera të huave kërkohet një identifikim i veçantë kur kundërpala është IMF-ja vendase ose IMF-ja jorezidente.
 - 1.3. Transfertat e huave dallohen sipas ndikimit që kanë në sasi të gjendje të huasë së raportuar në përputhje me Pjesët 2 dhe 3 të Shtojcës së I-rë:
 - (a) transfertat, të cilat kanë ndikim në sasi të gjendje të raportuara, janë asgjësime që rezultojnë në çregjistrim dhe blerje që rezultojnë në regjistrimin, ose reregjistrimin e huave; dhe
 - (b) transfertat, të cilat nuk kanë ndikim në sasi të gjendje të raportuara janë asgjësime që nuk rezultojnë në çregjistrim të huave, për shkak

të zbatimit të Standardeve Ndërkombëtare të Raportimit Financiar IFRS9 ose rregullave të ngjashme, dhe blerje të huave të transferuara paraprakisht nga IMF-ja pa u çregjistruar nga bilanci i saj. Huatë që paraqiten si kolateral për operacione krediti të politikës monetare në formën e pretendimeve të kreditit, që rezultojnë në një transfertë pa bërë çregjistrimin nga bilanci, përjashtohen nga sasia e raportuar sipas Tabelës Titullzimi - Stock.Riv.

1.4. Në lidhje me transfertat, të cilat kanë ndikim në sasinë gjendje të huave të raportuara, IMF-të bëjnë një dallim të mëtejshëm për transfertat kur ato veprojnë si shërbyese të sasisë gjendje të huasë së transferuar.

2. Kërkesat për raportimin e transfertave të huasë.

2.1. IMF-të i llogarisin transfertat neto të huave si blerje gjatë muajit minus asgjësimet gjatë muajit. Për këtë qëllim, IMF-të duhet të zbatojnë vlerat e transaksionit të blerjeve dhe të asgjësimeve (d.m.th. vlerën e blerjeve dhe shitjeve, përkatësisht).

2.2. IMF-të paraqesin të dhëna mbi transfertat e huave në përputhje me Tabelën Titullzimi-Fluks, si më poshtë:

(a) blerjet dhe asgjësimet e kryera nga IMF-ja, që kanë një ndikim në sasinë gjendje të huasë së tyre të raportuar në përputhje me Pjesët 2 dhe 3 të Shtojcës I, i alokohen Bllokut 1, kur IMF-ja vepron si shërbyese, dhe Bllokut 2, kur IMF-ja nuk vepron si shërbyese; dhe

(b) blerjet dhe asgjësimet e kryera nga IMF-ja, që nuk kanë një ndikim në sasinë gjendje të huave të tyre të raportuara në përputhje me Pjesët 2 dhe 3 të Shtojcës I, klasifikohen në Bllokun 3.

2.3. Në lidhje me shpërndarjen që përmendet në Seksionin 2.2 (a), Banka e Shqipërisë mund të instruktojë IMF-të të klasifikojë transfertat e huave në Bllokun 1, në vend të Bllokut 2, në rastin kur një IMF tjetër vendase vepron si shërbyese e huasë së transferuar. Banka e Shqipërisë kërkon që transfertat të tilla të identifikohen në raportimin statistikor ndarazi nga ato të cilat transferohen dhe shërbehen nga e njëjta IMF.

3. Kërkesat për raportimin e sasive gjendje të huave të transferuara

3.1. IMF-të paraqesin të dhëna në përputhje me Tabelën Titullzimi-Stock. Riv për sasinë gjendje mujore të huave në fund të muajit, si më poshtë:

(a) sasinë gjendje të huave, të cilat janë transferuar nga IMF-ja me një ndikim mbi sasinë gjendje të raportuara sipas Pjesëve 2 dhe 3 të Shtojcës I, dhe për të cilat IMF-ja vepron si shërbyese, klasifikohen në Bllokun 1; dhe

(b) sasinë gjendje të huave, të cilat janë transferuar nga IMF-ja pa një ndikim mbi sasinë gjendje të raportuara sipas Pjesëve 2 dhe 3 të Shtojcës I, për shkak të zbatueshmërisë së Standardeve Ndërkombëtare të Raportimit Financiar IFRS 9 ose rregullave të ngjashme, klasifikohen në Bllokun 3.

2.2. Për sa i përket klasifikimit të referuar në Seksionin 3.1(a), ku Banka e Shqipërisë udhëzon IMF-të që t'i klasifikojnë transfertat e huave sipas Seksionit 2.3, IMF-të përfshijnë në Bllokun 1 sasinë gjendje të huasë së transferuar nga një tjetër IMF vendase, për të cilën ato

veprojnë si shërbyese, për sa kohë që huatë nuk përfshihen në sasi të gjendje të raportuara në përputhje me Pjesët 2 dhe 3 të Shtojcës I të IMF-ve rezidentë. Banka e Shqipërisë kërkon që këto sasi gjendje të identifikohen në raportimin statistikor ndarazi nga ato të cilat transferohen dhe shërbehen nga e njëjta IMF.

- 3.3. Banka e Shqipërisë mund të kërkojnë të dhëna shtesë nga IMF-të, me qëllim shpjegimin e zhvillimeve në sasi të gjendje të huave, veçanërisht në lidhje me një ndryshim në kundërpartinë që zotëron huatë e transferuara, ose me një ndryshim në planet e shërbimit për huatë e çregjistruara, të cilat mund të kenë nevojë për rregullime riklasifikuese në mënyrë që Banka e Shqipërisë të përshtatë, në mënyrë të saktë, zhvillimet e huave për ndikimin që lind nga titullzimi dhe transfertat e tjera në bilancin e IMF-së.
4. Kërkesat për raportimin e ndryshimeve nga rivlerësimi që ndikojnë sasi të gjendje të huave të transferuara
- 4.1. IMF-të mundësojnë të dhëna në përputhje me Tabelën Titullzimi-Stock. Riv për rregullimet rivlerësuese, të cilat pasqyrojnë ndryshimet në sasi të gjendje të huave në fund të muajit, që raportohen në Seksionin 3, të cilat shkaktohen nga zbatimi i huave të zhvlerësuar ose të fshira, dhe ndryshimet në provigjionet e huave (nëse sasi të gjendje regjistrohen neto nga provigjionet). Rregullimet rivlerësuese pasqyrojnë gjithashtu, në muajin e transfertës së huasë, ndryshimet e kryera mes sasisë gjendje të huasë së transferuar dhe vlerës së transaksionit të blerjes ose asgjësimit, siç përmendet në Seksionin 2.
- 4.2. IMF-të mundësojnë të dhëna për ndryshimet nga rivlerësimi në përputhje me Tabelën Titullzimi-Stock. Riv, si më poshtë:
 - (a) ndryshimet nga rivlerësimi të cilat korrespondojnë me sasi të gjendje të huave të transferuara, referuar në Seksionin 3.1(a), dhe që janë objekt i Seksionit 3.2, sipas rastit, klasifikohen në Bllokun 1; dhe
 - (b) ndryshimet nga rivlerësimi, të cilat korrespondojnë me sasi të gjendje të huave të transferuara, referuar në Seksionin 3.1(b), klasifikohen në Bllokun 3.

SHTOJCA II PËRKUFIZIME

PJESA 1 PËRKUFIZIMET E KATEGORIVE TË INSTRUMENTEVE

1. Kjo tabelë paraqet një përshkrim standard të hollësishëm për kategoritë e instrumenteve, në përputhje me këtë rregullore. Tabela nuk përfshin një listë të instrumenteve financiare individuale dhe përshkrimet nuk janë shteruese. Përkufizimet i referohen ESA 2010.
2. Maturiteti origjinal, d.m.th. maturiteti në emetim, i referohet periudhës fikse të jetës së një instrumenti financiar, përpara së cilës ai nuk mund të shlyhet, p.sh. titujt e borxhit, ose përpara së cilës ai mund të shlyhet vetëm me një lloj penaliteti, p.sh. disa lloje të depozitave. Periudha e njoftimit përkon me kohën ndërmjet çastit që mbajtësi dërgon njoftim rreth qëllimit për të shlyer instrumentin dhe datës në të cilën mbajtësit i lejohet ta këmbëjë atë në *cash*, pa penalitete. Instrumentet financiare klasifikohen sipas periudhës së njoftimit, vetëm nëse nuk ka një maturim të dakordësuar.
3. Pretendimet financiare mund të dallohen nga fakti nëse janë apo nuk janë të negociueshme. Një pretendim është i negociueshëm nëse pronësia e tij është e gatshme për t'u transferuar menjëherë nga një zë tek tjetri me anë të dërgesës ose përkrahjes, ose të qenit i neutralizuar në rast të derivateve financiare. Teksa instrumentet financiare janë potencialisht të tregtueshme, instrumentet e negociueshme janë ravijëzuar që të tregtohen në një treg të organizuar ose të vetorganizuar, edhe pse tregtimi aktual nuk është kusht i nevojshëm për negociueshmërinë.

Tabela
Kategoritë e instrumenteve

Kategori	Karakteristikat kryesore
1. Cash	Mbjajtësit e kartëmonedhave dhe monedhave të huaja në qarkullim, të cilat përdoren gjerësisht për kryerjen e transaksioneve.
2. Kreditë	<p>(i) Marrëdhënia juridike e detyrimit për të lëvruar një shumë monetare në këmbim të së drejtës së ripagimit të shumës së lëvruar dhe të interesit ose komisioneve të tjera bankare mbi këto shuma, si dhe çdo shlyrje e datës së maturimit të një letre me vlerë të borxhit apo të ndonjë të drejte tjetër për t'u paguar një shumë monetare. Në këtë kategori përfshihen edhe mjetet në formën e depozitave pranë agjencisë raportuese. Kjo kategori përmban:</p> <p>(ii) kredi për individë dhe institucionet jo me qëllim fitimi që ju shërbejnë individëve të ndara në:</p> <p>(iii) Kredi konsumatore – ka të njëjtin kuptim të përcaktuar në nenin 44 të ligjit nr. 9902, datë 17.4.2008, “Për mbrojtjen e konsumatorëve”, i ndryshuar;</p> <p>(iv) Kredi për blerje banesash – është kredia dhënë individëve me qëllim blerje banese, apartamenti ose toke, për ndërtim (shtëpi/apartament), përfshirë huatë hipotekare dhe huatë për rikonstruksion, të cilat shtojnë vlerën ekonomike të banesës (shtëpisë, apartamentit). Kreditë hipotekare të lëvuara për pronaret e vetëm përfshihen nën këtë kategori, përveç rasteve kur pasuria e paluajtshme përdoret për qëllime biznesi dhe si e tillë klasifikohet në kategorinë “kredi për qëllime të tjera”;</p> <p>(v) Kredi të tjera – është kredia dhënë individëve për qëllime të tjera të ndryshme nga blerja e banesave ose kredia për konsum, për shembull kredia për ushtrim biznesi, studime.</p> <p>(vi) Kartat e kreditit</p> <p>(vii) Për qëllime të kësaj rregulloreje, kjo kategori përfshin kreditë e lëvuara kundrejt individëve ose korporatat jofinanciare nëpërmjet kartave të debitit me opsionin e kredisë kufi (overdraftit). Kartat e kreditit regjistrohen nën një llogari të veçantë dedikuar kartave dhe si rezultat nuk janë pjesë integrale e llogarisë rrjedhëse apo overdrafteve.</p> <p>Kredi lehtësuese e kartës së kreditit – është kredia që jepet nga banka për individë dhe korporata jofinanciare, si mbajtës të një karte krediti, me interes 0%, në periudhën nga data e përdorimit të saj deri në datën së faturimit.</p> <p>Kredi e zgjeruar e kartave të kreditit – është shuma e mbetur në llogari (e papaguar), pas datës së faturimit përkatës, mbi të cilën zakonisht paguhet interes më i lartë se zero për qind, për të cilën konsumatori duhet të paguajë këste mujore minimale për të shlyer të paktën pjesërisht borxhin e zgjeruar të kartës së kreditit.</p> <p>Kundërpartia e kësaj kategorie të kredisë është subjekti përgjegjës për shlyerjen e shumës së maturuar në përputhje me detyrimet kontraktuale të dakordësuara;</p> <p>(c) Linjat e huave dhe overdraftet</p> <p>Linjat e kredive (kreditë qarkulluese) – janë ato kredi të cilat kanë këto karakteristika: a. kredimarrësi mund të tërheqë fonde në sasi të rëna dakord, pa njoftuar më parë huadhënësin; b. shuma e kredisë në dispozicion mund të luhatet si pasojë e tërheqjeve dhe shlyerjeve të huasë; c. kredia mund të përdoret në mënyrë të përsëritur; d. nuk ka asnjë detyrim për të shlyer kredinë në baza të rregullta.</p> <p>Overdraft – është kontrata e kredisë sipas së cilës banka i jep kredimarrësit mundësinë e disponimit të fondeve në llogarinë e tij rrjedhëse që tejkalon gjendjen aktuale të fondeve në këtë llogari, ose premtion t'i japë kredi mbajtësit të kartës së kreditit, deri në një kufi të paracaktuar në kontratë;</p> <p>(d) Kreditë sindikale (marrëveshjet për kredi ku disa institucione financiare marrin pjesë në cilësinë e huadhënësit)</p> <p>Kreditë sindikale mbulojnë rastet kur huamarrësi, bazuar në kontratën e kredisë, është në dijeni për kredinë e aprovuar nga më shumë se një huadhënës. Për qëllime statistikore, vetëm shumtë e disbursuara nga huadhënësi (dhe jo linja totale e kredisë) do të konsiderohen si kredi sindikale. Kredia sindikale koordinohet nga një institucion financiar i vetëm (në cilësinë e “menaxherit kryesor”) dhe akordohet nga disa pjesëmarrës të sindikatës. Pjesëmarrësit, duke përfshirë këtu edhe menaxherin kryesor, informojnë huamarrësin mbi përqindjet respektive të huadhënies;</p> <p>(e) Depozitat, sikundër përkufizohet në nën kategorinë e detyrimeve 9;</p> <p>(f) Leasingu financiar i akorduar palëve të treta</p> <p>Leasingu financiar është një marrëdhënie financiare ku pronari ligjor i asetit të qëndrueshëm (në vijim do t'i referohemi si leasingdhënësi) ia jep me qira këto asete palëve të treta (në vijim do t'i referohemi si leasingmarrësi) për një periudhë të caktuar kohore në këmbim të pagesës së kësteve të cilat përfshijnë vlerën e asetit dhe interesin e përcaktuar. Leasingdhënësi gëzon të drejtën e përfitimit të të gjitha të mirave nga përdorimi i asetit, si edhe mbar të gjitha kostot dhe rreziqet që lidhen me pronësinë e asetit. Për qëllime statistikore, leasingu financiar trajtohet si kredi, pra marrëdhënie financiare ndërmjet leasingdhënësit dhe leasingmarrësit, duke i dhënë të drejtën këtij të fundit të blejë asetin në përfundim të kontratës dhe njëkohësisht përmbushjes së detyrimeve të përcaktuara në kontratë. Asetet (mallrat e qëndrueshëm) të cilat i janë dhënë hua leasingmarrësit nuk regjistrohen në bilanc;</p> <p>(g) Kreditë e këqija të cilat nuk janë ripaguar apo nuk janë fshirë nga bilanci;</p> <p>(h) Kreditë të cilat janë në vonesë ose të klasifikuara si të humbura, pjesërisht apo tërësisht, në përputhje me përkufizimin bazë të rregullores nr. 62, datë 14.9.2011, “Për administrimin e rrezikut të kredisë nga bankat dhe degët e bankave të huaja”;</p> <p>(i) Zotërimi i letrave me vlerë të panegociueshme</p>

	<p>Zotërimi i letrave me vlerë të borxhit të panegociueshme dhe të patregtueshme në tregun sekondar;</p> <p>(i) Kreditë e tregtueshme Kreditë të cilat de facto janë bërë të negociueshme duhet të klasifikohen në kategorinë e aktiveve nën zërin "kredi" për aq kohë sa nuk ekziston informacion për tregtimin e tyre në tregun sekondar. Në rastin e tregtimit në tregun sekondar, ato klasifikohen në kategorinë e letrave me vlerë të borxhit (kategoria 3);</p> <p>(j) Borxhi i varur në formën e depozitave apo kredive Instrumentet e borxhit të varur ofrojnë pretendim suplementar mbi institucionin emetues, të cilat mund të pretendohen vetëm pasi të gjitha detyrimet e tjera me status parësor, si për shembull depozitat/kreditë, janë shlyer. Për qëllime statistikore, borxhi i varur do të klasifikohet nën zërin "kredi" ose "letra me vlerë të borxhit", në varësi të natyrës së instrumentit të borxhit. Zotëruesit e cilësdo forme të borxhit të varur, për qëllime statistikore identifikohen nën një kategori të vetme nën zërin e aktiveve të emëtuara "letra me vlerë të borxhit";</p> <p>(k) Pretendimet nën kategorinë "marrëveshje riblerje e ndërsjellët" ose letra me vlerë të borxhit kundrejt garancisë <i>cash</i> Kundërpartia e <i>cash</i>-it të paguar në këmbim të blerjes së letrave me vlerë me një çmim të caktuar nën detyrimin për t'i rishitur me një çmim dhe datë të caktuar;</p> <p>(l) Letrat me vlerë të emetuara nga rezidentët dhe jorezidentët dhe të mbajtura nga sektori bankar;</p> <p>(m) Letrat me vlerë të emetuara nga sektori bankar dhe të mbajtura nga sektorët rezidentë dhe jorezidentë. Kreditë e alokuara në bazë të mirëbesimit, pra kreditë në mirëbesim ose kreditë fiduciary përfshijnë kreditë e miratuara nga një palë (në vijim do t'i referohemi si "trustee") në emër të palëve të treta (në vijim i referohemi si "përfituesi"). Për qëllime statistikore, këto kredi nuk regjistrohen në bilancin kontabël të trustee pasi rreziqet dhe përfitimet e pronësisë së fondit mbeten me përfituesin. Rreziqet dhe përfitimet mbeten me përfituesin në rastet kur: (a) përfituesi mbart rrezikun e kredisë; ose (b) investimi i përfituesit është i siguruar ndaj humbjeve.</p>
<p>3. Letrat me vlerë të borxhit</p>	<p>Zotërimet e letrave me vlerë të borxhit, të cilat janë instrumente financiare të negociueshme dhe shërbejnë si dëshmi borxhi, tregtohen në tregjet sekondare ose mund të likuidohen në treg, si dhe nuk i japin zotëruesit asnjë të drejtë pronësie mbi institucionin emetues.</p> <p>Kjo kategori përfshin:</p> <p>(a) Zotërimet e letrave me vlerë të cilat i japin mbajtësit të drejtën e pakushtëzuar për një të ardhur fikse ose të dakordësuar në kontratë për pagesën në formën e kuponit dhe/ose të një shume të caktuar në një datë të caktuar ose duke filluar në një datë të parapërcaktuar në momentin e emetimit të instrumentit;</p> <p>(b) Huatë të cilat janë bërë të negociueshme në një treg të organizuar, domethënë huatë e tregtueshme, me kusht që të kenë dëshmi të tregtimit në tregun sekondar, duke përfshirë këtu praninë e ndikuesve të tregut dhe vlerësimin financiar të shpeshtë të aktivitetit, sikundër ofrohet nga diferencat e kërkesë-ofertës. Në të kundërt, ato duhet të klasifikohen nën zërin e aktivitetit "hua" (shih gjithashtu "hua të tregtueshme" në kategorinë 2i);</p> <p>(c) Borxhi i varur në formën e letrave me vlerë të borxhit (shih gjithashtu "borxhi i varur në formën e depozitave ose huave" në kategorinë 2j). Letrat me vlerë të dhëna hua bazuar në operacionet e huadhënies së letrave me vlerë ose të shitura nën marrëveshjet e riblerjes janë subjekt regjistrimi në bilancin kontabël të pronarit të parë (dhe nuk duhet të regjistrohen në bilancin e blerësit të përkohshëm). Në momentin kur blerësi i përkohshëm tregon letrat me vlerë të zotëruara, kjo shitje duhet të regjistrohet si një transaksion i letrave me vlerë në bilancin kontabël të blerësit të përkohshëm si një pozicion negativ në portofolin e letrave me vlerë.</p>
<p>4. Kapitali</p>	<p>Kapitali përfaqëson të drejtat mbi pronësinë mbi korporatat ose pothuajse-korporatat; është një pretendim mbi vlerën e mbetur pasi janë shlyer pretendimet e të gjithë kreditorëve.</p> <p>Kjo kategori përfshin ndarjet e mëposhtme:</p> <p>(a) Aksione të listuara Aksionet e tregtueshme janë letra me vlerë të kapitalit të tregtuara në bursë. Aksionet e tregtueshme quhen gjithashtu aksione të kuotuar. Çmimet e kuotuar tregojnë se çmimet e tregut janë lehtësisht të disponueshme.</p> <p>(b) Aksionet të palistuar Aksionet e patregtueshme janë letra me vlerë të kapitalit që nuk janë të tregtuara në bursë.</p> <p>(c) Kapitale të tjera Kapitale të tjera - mbulon të gjitha format e kapitalit përveç atyre të klasifikuara në nënkategorinë aksione të tregtueshme dhe aksione të patregtueshme. Në këtë kategori përfshihet edhe kapitali i investuar nga një zyrë qendrore në degët jashtë vendit.</p>
<p>5. Aksionet e fondit të investimeve</p>	<p>Aksionet e emetuara nga fondet e investimeve, të cilat janë sipërmarrje kolektive investimi që investojnë në aktive financiare dhe/ose jofinanciare. Ky zë përfshin aksionet e emetuara nga fondet e tregut të parasë (FTP), në përputhje me këtë rregullorë, dhe aksionet e emetuara nga fondet e investimeve jashtë tregut të parasë.</p>

6. Mjete jofinanciare	<p>Mjetet, përveç atyre të klasifikuara si aktive financiare, duke përfshirë këtu edhe mjetet fikse (mjetet financiare të krijuara të cilat përdoren në mënyrë të vazhdueshme për të gjeneruar të ardhura të tjera)</p> <p>Kjo kategori përfshin:</p> <p>(a) Pasuri të paluajtshme, d.m.th. banesa, ndërtesa dhe struktura të tjera (ekzistuese dhe në ndërtim) dhe toka në pronësi të subjekteve raportuese, duke përfshirë këtu edhe ato për përdorim vetjak. Kjo kategori si zë i veçantë i emërtuar "nga të cilat";</p> <p>(b) Makineri dhe pajisje;</p> <p>(c) Sende me vlerë;</p> <p>(d) Produkte të pronësisë intelektuale si programet kompjuterike dhe bazat e të dhënave.</p>
7. Mjete të tjera/ llogari të arkëtueshme	<p>Zëri "aktive të tjera" i referohet diferencës në kahun e aktiveve të bilancit kontabël, i përkufizuar si "aktive që nuk përfshihen diku tjetër". Banka e Shqipërisë mund të kërkojë raportimin e nënkategorive specifike të përfshira në këtë zë. Mjetet e mbetura përfshijnë:</p> <ul style="list-style-type: none"> - Shumat e arkëtueshme bruto në lidhje me zërat e papërcaktuar - Zërat e papërcaktuar janë aktive balancuese të mbajtura në bilanc të cilat nuk regjistrohen për llogari të klientëve, ndonëse lidhen me fondet e tyre, p.sh. fondet që janë të gatshme për investim, transfertat apo likuidim; - Shumat e arkëtueshme bruto në lidhje me fondet transit ose të përkohshme <p>Fondet transit apo të përkohshme përfaqësojnë fonde që u përkasin klientëve, të cilat lëvrohen ndërmjet agjencive raportuese. Këto fonde janë në forme çeku dhe forma të tjera pagese;</p> <ul style="list-style-type: none"> - Interesi i përllogaritur për t'u arkëtuar <p>Në përputhje me parimet bazë të kontabilitetit interesi për t'u arkëtuar është subjekt regjistrimi në zërat jashtë bilancit. Interesi i përllogaritur, pra interesi i përllogaritur dhe jo interesi në momentin e arkëtimit, i kredive klasifikohet në bazë bruto nën zërin "mjete të tjera". Interesi i përllogaritur regjistrohet veçmas nga kryegjëja dhe raportohet si zë i veçantë "nga të cilat":</p> <ul style="list-style-type: none"> - interesi i përllogaritur i mbajtësve të instrumenteve të borxhit ku interesi i përllogaritur nuk regjistrohet si pjesë integrale e instrumentit, - dividend për t'u paguar, - të arkëtueshmet të cilat nuk lidhen me aktivitetin kryesor të subjektit.
Detyrimet	
8. Paraja në qarkullim	<p>Kjo kategori përfshin të gjitha monedhat dhe kartëmonedhat në qarkullim, të cilat janë emetuar nga Autoriteti Monetar (Banka Qendrore)</p>
9. Depozitat	<p>Depozitat janë kontrata të pakontestueshme që përfaqësojnë vendosjen e fondeve në dispozicion për t'u tërhequr në një moment të mëvonshëm. Një depozitë është zakonisht një kontratë standarde, e hapur për publikun në përgjithësi, që lejon vendosjen e shumave të ndryshueshme të parave.</p> <p>Kategoria e depozitave përfshin depozitat e transferueshme dhe depozitat e tjera.</p> <p>Depozitat e transferueshme [F22] përfshijnë të gjitha depozitat që janë: (1) të këmbyeshme në vlerë të barabartë për kartëmonedha dhe monedha dhe pa ndëshkim ose kufizim; dhe (2) drejtpërdrejt të përdorshme për të bërë pagesa tek palët e treta me çek, draft, urdhërxiro, debit direkt/ kredi ose lehtësi të tjera pagese direkte.</p> <p>Balancat depozituese janë detyrime të subjektit raportues që janë në përputhje me karakteristikat e përshkruara në Pjesën 1 të Aneksit I, me përjashtim të atyre që vijnë nga emetimi i letrave me vlerë të negociueshme ose aksione/kuota të FTP. Për qëllim raportuese, kjo kategori ndahet në depozita njëditore, depozita me afat maturimi të dakordësuar, dhe depozita.</p>
9.1 Depozitat njëditore	<p>Depozita njëditore janë depozita lehtësisht të konvertueshme në parë dhe/ose drejtpërsëdrejti të transferueshme, sipas kërkesës nëpërmjet mjeteve të pagesave të përdorura gjerësisht, të tilla si: çeqet, debitimi ose kreditimi i drejtpërdrejtë, apo mjeteve të tjera të pagesës, pa vonesa, kufizime dhe gjoba.</p> <p>Këto depozita gjithashtu përfshijnë:</p> <ol style="list-style-type: none"> a. teprica (kreditore) në llogari (që përfitojnë interes ose jo), të cilat janë lehtësisht të konvertueshme në para, sipas kërkesës në fund të ditës së punës, kur është bërë kërkesa pa kufizime dhe gjoba, por që nuk janë të transferueshme; b. teprica (kreditore) në llogari (që përfitojnë interes ose jo) që përfaqësojnë parapagime (për shembull karta të parapaguara); c. Hua për t'u shlyer brenda mbylljes së ditës pasuese të punës pas asaj në të cilën është akorduar kredia.

<p>9.2. Depozitat e transferueshme</p>	<p>Depozitat e transferueshme janë, për qëllimet e statistikave të bilancit të IMF-së, një nënkategori e depozitave njëditore, përkatësisht ato që transferohen drejtpërdrejt me kërkesë për të bërë pagesa ndaj subjekteve të tjera ekonomike me mjete pagese të përdorura zakonisht, të tilla si transferimi i kredisë, debiti direkt, karta krediti ose debiti, transaksione me para elektronike, çeqe, ose mjete të ngjashme, pa vonesa, kufizime ose ndëshkime të konsiderueshme. Depozitat që mund të përdoren vetëm për tërheqjen e parave dhe depozitat nga të cilat fondet mund të tërhiqen ose transferohen vetëm përmes një llogarie tjetër të të njëjtit pronar nuk janë depozita të transferueshme. Depozitat e transferueshme të mbajtura në bankat qendrore përfshijnë llogaritë që secili institucion krediti ka me bankën e tij qendrore dhe që shërbejnë për funksione pagese/shlyerjeje.</p>
<p>9.3 Depozitat me afat</p>	<p>Depozitat e patransferueshme, të cilat nuk mund të tërhiqen përpara një afati të caktuar, për të cilin është rënë dakord paraprakisht, ose të cilat mund të tërhiqen para këtij afati, me kusht që mbajtësi të paguaj penalitet. Ky zë përfshin gjithashtu depozitat e kursimeve të cilat nuk kanë një maturitet të papërcaktuar nga ana administrative; këto klasifikohen në intervalin e maturitetit "mbi dy vite". Produktet financiare me parakusht rinovimin duhet të klasifikohen sipas maturitetit më të hershëm. Periudha e maturimit i referohet maturitetit origjinal.</p>
<p>9.4 Depozitat me njoftim paraprak</p>	<p>Depozitat me njoftim paraprak janë depozita jo të transferueshme dhe me afat maturimi të papërcaktuar, të cilat mund të tërhiqen vetëm pas një periudhe paraprake njoftimi. Sipas periudhës së njoftimit, këto depozita ndahen në depozita me njoftim paraprak:</p> <p>a) deri në 3 muaj; b) mbi 3 muaj deri në 2 vjet; c) mbi 2 vjet.</p> <p>Në këtë kategori përfshihen edhe depozitat të cilat megjithëse ligjërisht mund të tërhiqen "sipas kërkesës", janë subjekt gjobe (penaliteti) apo kufizimesh për t'u tërhequr, e si të tilla nuk klasifikohen në kategorinë "depozita pa afat". Këto klasifikohen në intervalin e parë të njoftimit (deri në 3 muaj). Gjithashtu, në këtë kategori do të klasifikohen ato depozita, të cilat nuk kanë një periudhë njoftimi paraprak dhe as afat të caktuar maturimi, por kanë kufizime për tërheqjen e tyre. Këto depozita do të klasifikohen në bandën e dytë të njoftimit paraprak.</p> <p>Periudha e njoftimit paraprak përfaqëson periudhën kohore midis momentit kur depozituesi bën njoftimin për të tërhequr depozitën dhe datës në të cilën ai lejohet ta konvertojë në parë (cash), pa paguar gjobë ose tarifë për këtë veprim. Nëse këto depozita tërhiqen përpara afatit të periudhës së njoftimit paraprak, ato do të jenë subjekt i gjobave apo kufizimeve.</p>
<p>9.5 Depozita të tjera të patransferueshme</p>	<p>Depozitat e tjera (ose të patransferueshme) përfshijnë të gjitha pretendimet, përveç depozitave të transferueshme. Depozitat e tjera përfshijnë:</p> <p>a) Depozitat që lejojnë tërheqje të menjëhershme të parave, por nuk janë të përdorshme për pagesa direkte palëve të treta;</p> <p>b) Depozitat e kursimeve që paguajnë interes, por nuk mund të përdoren për pagesa direkte ndaj palëve të treta (për shembull, duke shkruar një çek). Këto llogari u mundësojnë klientëve të lënë mënjanë një pjesë të aktiveve të tyre likuide ndërsa fitojnë interes;</p> <p>c) Depozitat me afat të caktuar (njohur edhe si depozitat me afat) që sigurohen nga institucionet që marrin depozita për klientët e tyre me një normë më të lartë interesi sesa një llogari kursimi. Këto janë me maturitet që variojnë nga një muaj në disa vjet. Kur depozita është vendosur me një afat të caktuar, fondi mund të tërhiqet vetëm pasi të ketë mbaruar afati ose duke dhënë një njoftim sipas rregullave të përcaktuara në kontratë;</p> <p>d) Certifikatat e depozitave.</p>
<p>10. Repo</p>	<p>Ky zë përfshin shumat e regjistruara si një detyrim depozite në formën e një marrëveshje riblerjeje (repo) që përfaqëson kundërpartinë e parave të gatshme të marra në këmbim të letrave me vlerë të shitura nga IMF-ja raportuese, me një angazhim për t'i riblerë ato me një çmim fiks në një datë të caktuar në të ardhmen.</p>
<p>11. Aksionet/kuotat e fondeve të tregut të parasë (FTP)</p>	<p>Janë aksionet/kuotat e emetuara nga Fondet e Tregut të Parasë, të cilat përfaqësojnë detyrimin total ndaj aksionerëve të fondit. Gjithashtu, në këtë zë përfshihen edhe fondet e ngritura nga fitimi i pashpërndarë dhe fonde të rezervuara për pagesa dhe detyrime të mëvonshme.</p> <p>"Fond i tregut të parasë" (FTP) është një fond investimi me pjesëmarrje të hapur që përmbush kriteret e mëposhtme:</p> <ul style="list-style-type: none"> • shoqëria e administrimit të fondit të investimit bën investime duke ruajtur vlerën e principalit dhe duke siguruar një kthim, në përputhje me normën e interesit të instrumenteve të tregut të parasë, llogarit vlerën neto të asetëve të fondit dhe çmimin e kuotave /aksioneve çdo ditë pune, po njësoj shet dhe riblen kuotat e veta; • fondi investon në instrumente financiare afatshkurtra ose në letra me vlerë të borxhit afatgjatë, por me maturitet të mbetur deri në një vit (përfshirë 1 vit).

12. Letrat me vlerë të borxhit të emetuara	Tituj të emetuar nga subjekti raportues, të cilët janë instrumente zakonisht të negociueshme dhe të tregtuara në tregjet dytësore ose që mund të kompensohen në treg, dhe që nuk i japin mbajtësit ndonjë të drejtë pronësie mbi institucionin emetues.
13. Kapitali dhe rezervat	<p>Për qëllime të statistikave monetare, kapitali aksioner mund të ndahet në si vijon:</p> <p>(a) kapitalin e paguar, i cili përfshin shumën totale nga fillestare dhe çdo pasardhës, emetimin e aksioneve, ose të tjera format e pronësisë së korporatave;</p> <p>(b) fitimet e mbajtura/ të riinvestuara, të cilat përbëjnë të gjitha fitimet e mëparshme pas taksave të viteve që nuk janë shpërndarë tek aksionarët ose përvetësuar si rezerva të përgjithshme ose speciale;</p> <p>(c) fitimin e vitit aktual, i cili përfaqëson akumulimin e fitimit ose humbjes që nga fillimi i vitit fiskal;</p> <p>(d) rezervat e përgjithshme dhe të veçanta, të cilat janë përvetësime të fitimeve të mbajtura;</p> <p>(e) rivlerësimet, tregojnë kundërpartinë neto të ndryshimeve në vlerën e mjeteve dhe detyrimet në bilancet e IMF-së, duke përjashtuar ato ndryshime në vlerë (d.m.th. fitimet ose humbjet) që regjistrohen në fitimin ose humbjen neto për periudhën, sipas standardeve kombëtare dhe IFRS-së.</p>
14. Detyrime të tjera/ llogari të pagueshme	<p>Zëri "detyrime të tjera" i referohet diferencës në kahun e detyrimeve të bilancit kontabël, përkufizuar si "detyrime që nuk përfshihen diku tjetër". Banka e Shqipërisë mund të kërkojë raportimin e nënkategorive specifike të përfshira në këtë zë. Detyrimet e tjera përfshijnë:</p> <ul style="list-style-type: none"> - Shumat e pagueshme bruto në lidhje me detyrimet e papërcaktuara Zërat e papërcaktuara janë detyrime balancuese të mbajtura në bilanc, të cilat nuk regjistrohen për llogari të klientëve, ndonëse lidhen me fondet e klientëve, p.sh. fondet që janë të gatshme për investim, transfertat apo likuidim; - Shumat e pagueshme bruto në lidhje me fondet tranzit ose të përkohshme Fondet tranzit apo të përkohshme përfaqësojnë fonde që u përkasin klientëve, të cilat lëvohen ndërmjet agjencive raportuese. Këto fonde janë në formë çeku dhe forma të tjera pagese; - Interesi i përllogaritur për t'u paguar Në përputhje me parimet baze të kontabilitetit, interesi për t'u paguar është subjekt regjistrimi në zërat jashtë bilancit. Interesi i përllogaritur i depozitave, (pra interesi i përllogaritur dhe jo interesi në momentin e pagimit) klasifikohet në bazë bruto në nën zërin "detyrime të tjera". Interesi i përllogaritur regjistrohet veçmas nga kryegjëja dhe raportohet si zë i veçantë "nga të cilat": - interesi i përllogaritur i emetuesve të instrumenteve të borxhit ku interesi i përllogaritur nuk regjistrohet si pjesë integrale e instrumentit; - dividend për t'u paguar; - të pagueshme, të cilat nuk lidhen me aktivitetin kryesor të subjektit; - provigjone që përfaqësojnë detyrime ndaj palëve të treta: p.sh. pensionet, dividendët.

SHTOJCA III

PJESA 1 RAPORTIME PËR QËLLIME TË REZERVËS SË DETYRUESHME

Rregulli i përgjithshëm

1. Raportimi i mbledhur përmes Tabelës 1 përfaqëson instrumentet bazë për përlogaritjen e bazës së rezervës së detyrueshme për qëllime të rregullores nr. 29, datë 16.5.2012, "Mbi minimumin e rezervës së detyruar mbajtur në Bankën e Shqipërisë nga bankat", ndryshuar me vendim nr.10, datë 7.2.2018.
2. Institucionet e kreditit, subjekt i mbajtjes së rezervës së detyrueshme, për raportimet përmes ERRS, të formës sipas rregullores nr. 29, datë 16.5.2012, "Mbi minimumin e rezervës së detyruar mbajtur në Bankën e Shqipërisë nga bankat", ndryshuar me vendim nr.10, duhet të sigurohen që të vendoset një korrespondencë strikte me pasqyrën e zërave të bilancit.

Tabela 1
Baza e Rezervës

	Sasitë gjendje në fund të muajit
Depozitat	
(Lek dhe valuta të huaja)	
9. DEPOZITA TOTALE	
Njëditore (Lek dhe Valutë)	
Me afat (Lek dhe Valutë)	
Me njoftim paraprak (Lek dhe Valutë)	
Repo (Lek dhe Valutë)	
nga të cilat:	
me afat	
mbi dy vjet	
nga të cilat:	
me njoftim paraprak	
mbi dy vjet	
nga të cilat:	
repo	
	Sasitë gjendje në fund të muajit
(Lek dhe valuta të huaja)	
11. Letrat me vlerë borxhi të emetuara	
me afat	
deri në dy vjet	
mbi dy vjet	

PJESA 2

RREGULLA TË VEÇANTA QË APLIKOHEN NË RAST BASHKIMESH NDËRMJET INSTITUCIONEVE TË KREDITIT

Në rast se midis dy institucioneve të kreditit ndodh një bashkim me përrthithje, baza e rezervës së institucionit që blen për periudhën e mirëmbajtjes menjëherë pas bashkimit me përrthithje do të llogaritet në përputhje me rregulloret në fuqi.

SHTOJCA IV

STANDARDET MINIMALE QË DUHET TË PËRMBUSHË POPULLATA E SUBJEKTEVE RAPORTUESE

Subjektet raportuese duhet të përmbushin standardet minimale të mëposhtme për të përmbushur kërkesat e raportimit statistikor të Bankës së Shqipërisë.

1. Standardet minimale për tejçimin/përcjelljen e informacionit:
 - a) raportimi duhet të jetë në kohë dhe brenda afateve të përcaktuara nga Banka;
 - b) raportet statistikore duhet të jenë në përputhje me formën dhe formatin e tyre nga kërkesat e raportimit teknik të përcaktuara nga Banka;
 - c) subjekti raportues duhet t'i japë Bankës të dhënat e një ose më shumë personave kontaktues;
 - d) duhet të ndiqen specifikimet teknike për transmetimin e të dhënave në Bankën e Shqipërisë.

2. Standardet minimale për saktësinë:
 - a) informacioni statistikor duhet të jetë i saktë: të gjitha kufizimet paralele/rregullat e kontrollit duhet të përmbushen (p.sh. mjetet dhe detyrimet duhet të balancohen, nëntotalet duhet të mbliidhen në total) dhe të dhënat duhet të jenë të qëndrueshme në të gjitha frekuencat e raportimit;
 - b) subjektet raportuese duhet të jenë në gjendje të japin informacion mbi zhvillimet që tregojnë të dhënat e dërguara;
 - c) informacioni statistikor duhet të jetë i plotë dhe nuk duhet të përmbajë boshllëqe të vazhdueshme dhe strukturore. Mangësitë ekzistuese duhet të njihen, t'i shpjegohen Bankës qendrore dhe, kur është e aplikueshme, të kapërcehen sa më shpejt që të jetë e mundur;
 - d) subjektet raportuese duhet të ndjekin dimensionet, politikën e rumbullakosjes dhe numrat dhjetorë të vendosur nga Bankat për përcjelljen teknike të të dhënave.

3. Standardet minimale për përputhshmërinë me konceptet:

- a) informacioni statistikor duhet të jetë në përputhje me përkufizimet dhe klasifikimet e përfshira në këtë rregullore;
 - b) në rast të devijimeve nga këto përkufizime dhe klasifikime, subjektet raportuese duhet të monitorojnë dhe të përcaktojnë në mënyrë të rregullt diferencën ndërmjet metodologjisë së përdorur dhe asaj që përcakton kjo rregullore;
 - c) subjektet raportuese duhet të jenë në gjendje të shpjegojnë ndryshimet/thyerjet në të dhënat e përcjella më parë/transmetuara krahasuar me shifrat e periudhave të mëparshme.
4. Standardet minimale për rishikime: duhet të ndiqen politikat dhe procedurat e rishikimeve të përcaktuara nga Banka e Shqipërisë. Rishikimet që devijojnë nga rishikimet e rregullta duhet të shoqërohen me shënime shpjeguese të detajuara.



**REPUBLIKA E SHQIPËRISË
BANKA E SHQIPËRISË
GUVERNATORI**

Nr. 5822

Tiranë, më 30.12.2021

VENDIM
Nr. 5822, datë 30.12.2021

**PËR
CAKTIMIN E SHITESËS KUNDËRCIKLIKE TË KAPITALIT**

Në bazë dhe për zbatim të nenit 2, shkronja 'b'; nenit 11, pikat 1 dhe 7; nenit 12, pika 3; nenit 14, pikat 5, 6, 7, 8 dhe 9; dhe nenit 16, pika 1, shkronja "a", "ç" dhe 'd', të rregullores "Për shtesat makroprudenciale të kapitalit" miratuar me vendimin nr. 41, datë 5.6.2019 të Këshillit Mbikëqyrës të Bankës së Shqipërisë, bazuar në propozimin e Departamentit të Stabilitetit Financiar,

VENDOSA:

1. Norma e shtesës kundërciklike të kapitalit (KUNC) për Shqipërinë është 0 (zero) për qind.
2. Bankat duhet të raportojnë shkallën e përmbushjes së shtesës kundërciklike të kapitalit sipas paragrafit 1, duke filluar me datën 30 dhjetor 2022.
3. Ngarkohen Kabineti i Guvernatorit dhe Departamenti i Kërkimeve për publikimin e këtij vendimi në faqen zyrtare dhe në Buletinin Zyrtar të Bankës së Shqipërisë.
4. Ngarkohen Departamenti i Stabilitetit Financiar dhe Departamenti i Mbikëqyrjes me ndjekjen e zbatimit të këtij vendimi.

Ky vendim hyn në fuqi menjëherë.

GUVERNATOR

GENT SEJKO

TREGUESI I LËNDËS PËR BULETININ ZYRTAR, VËLLIMI 23, NUMËR 1, MARS 2021

1. Vendim i Guvernatorit të Bankës së Shqipërisë, nr. 5847, datë 22.12.2020, "Për dhënien e miratimit paraprak për ushtrimin e veprimtarisë financiare shtesë nga subjekti financiar jobankë "Crimson Finance Fund Albania" sh.p.k."
2. Vendim i Guvernatorit të Bankës së Shqipërisë, nr. 5958, datë 29.12.2020, "Për caktimin e shtesës kundërciklike të kapitalit"
3. Vendim i Këshillit Mbikëqyrës të Bankës së Shqipërisë, nr. 3, datë 13.1.2021, "Për dhënien e miratimit paraprak për zotërimin nga Alpha International Holdings Single Member S.A., Greqi të 100 për qind të kapitalit aksionar të Banka Alpha Albania Sh.A."
4. Vendim i Këshillit Mbikëqyrës të Bankës së Shqipërisë, nr. 4, datë 13.1.2021, "Për pezullimin e shpërndarjes së fitimit nga bankat"
5. Vendim i Këshillit Mbikëqyrës të Bankës së Shqipërisë, nr. 5, datë 13.1.2021, "Për një ndryshim në rregulloren "Për administrimin e rrezikut të kredisë nga bankat dhe degët e bankave të huaja""
6. Vendim i Këshillit Mbikëqyrës të Bankës së Shqipërisë, nr. 6, datë 13.1.2021, "Për disa ndryshime në rregulloren "Për administrimin e rrezikut nga ekspozimet e mëdha të bankave""
7. Vendim i Këshillit Mbikëqyrës të Bankës së Shqipërisë, nr. 8, datë 3.2.2021, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë"
8. Vendim i Këshillit Mbikëqyrës të Bankës së Shqipërisë, nr. 11, datë 3.2.2021, "Për disa ndryshime në rregulloren "Për sigurinë e informacionit""
9. Vendim i Këshillit Mbikëqyrës të Bankës së Shqipërisë, nr. 12, datë 3.3.2021, "Për Miratimin e "Raportit Vjetor të Bankës së Shqipërisë për vitin 2020""
10. Vendim i Këshillit Mbikëqyrës të Bankës së Shqipërisë, nr. 14, datë 3.3.2021, "Për Miratimin e delegimit të kompetencës për nënshkrimin e një dokumenti në kuadër të marrëdhënies së biznesit midis Bankës së Shqipërisë dhe institucionit Bank of America Securities INC."

TREGUESI I LËNDËS PËR BULETININ ZYRTAR, VËLLIMI 23, NUMËR 2, PRILL 2021

1. Vendim i Këshillit Mbikëqyrës të Bankës së Shqipërisë, nr. 15, datë 24.3.2021, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë"
2. Vendim i Këshillit Mbikëqyrës të Bankës së Shqipërisë, nr. 16, datë 24.3.2021, "Për miratimin e pasqyrave financiare të Bankës së Shqipërisë për vitin 2020"
3. Vendim i Këshillit Mbikëqyrës të Bankës së Shqipërisë, nr. 18, datë 24.3.2021, "Për dhënien e miratimit paraprak për kryerjen e veprimtarisë financiare shtesë nga Banka e Parë e Investimeve, Albania sh.a."
4. Vendim i Guvernatorit të Bankës së Shqipërisë, nr. 1767, datë 31.3.2021, "Për caktimin e shtesave makroprudenciale të kapitalit"
5. Vendim i Këshillit Mbikëqyrës të Bankës së Shqipërisë, nr. 20, datë 7.4.2021,

- “Për miratimin e rregullores “Për njohjen kontraktuale të kompetencave të zhvlerësimit dhe konvertimit””
6. Vendim i Këshillit Mbikëqyrës të Bankës së Shqipërisë, nr. 21, datë 7.4.2021, “Për disa ndryshime në fondin numizmatik të Bankës së Shqipërisë”
 7. Vendim i Këshillit Mbikëqyrës të Bankës së Shqipërisë, nr. 22, datë 7.4.2021, “Për miratimin e delegimit të kompetencës për përfaqësimin ligjor të Bankës së Shqipërisë në programin për harmonizimin e vrojtimeve të besimit konsumator dhe të biznesit të Komisionit Evropian”

TREGUESI I LËNDËS PËR BULETININ ZYRTAR, VËLLIMI 23, NUMËR 3, QERSHOR 2021

1. Licencë nr. 177, datë 25.1.2021, “Për të vepruar si shoqëri kursim-krediti në Republikën e Shqipërisë”
2. Licencë nr. 47, datë 5.3.2021, “Për të vepruar si institucion i parasë elektronike në Republikën e Shqipërisë”
3. Licencë nr. 48, datë 12.3.2021, “Për të vepruar si subjekt financiar jobankë në Republikën e Shqipërisë”
4. Vendim i Këshillit Mbikëqyrës të Bankës së Shqipërisë nr. 24, datë 5.5.2021, “Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në bankën e Shqipërisë”
5. Vendim i Këshillit Mbikëqyrës të Bankës së Shqipërisë nr. 27, datë 5.5.2021, “Për disa ndryshime në rregulloren “Për veprimet me fondet në vlera monetare në Bankën e Shqipërisë”
6. Vendim i Këshillit Mbikëqyrës të Bankës së Shqipërisë nr. 28, datë 2.6.2021, “Për dhënien e miratimit paraprak për zotërimin nga shoqëria “Eurosig” sh.a. të 21.02 për qind të kapitalit aksionar të Bankës së Bashkuar të Shqipërisë sh.a.”
7. Vendim i Këshillit Mbikëqyrës të Bankës së Shqipërisë nr. 30, datë 2.6.2021, “Për miratimin e rregullores “Për funksionimin e sistemit SWIFT në Bankën e Shqipërisë””
8. Vendim i Këshillit Mbikëqyrës të Bankës së Shqipërisë nr. 31, datë 2.6.2021, “Për disa ndryshime në vendimin e Këshillit Mbikëqyrës nr. 76, datë 2.12.2020, “Për zgjedhjen e “London School of Economics, Institute of Global Affairs”, si bashkëpunëtor i jashtëm i Bankës së Shqipërisë dhe delegimin e kompetencës për nënshkrimin e marrëveshjes së bashkëpunimit””

TREGUESI I LËNDËS PËR BULETININ ZYRTAR, VËLLIMI 23, NUMËR 4, KORRIK 2021

1. Vendim i Këshillit Mbikëqyrës të Bankës së Shqipërisë, nr. 32, datë 7.7.2021, “Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë”
2. Vendim i Këshillit Mbikëqyrës të Bankës së Shqipërisë, nr. 33, datë 7.7.2021, “Për miratimin e rregullores “Për krijimin dhe funksionimin e shoqërisë për administrimin e aktiveve””

3. Vendim i Këshillit Mbikëqyrës të Bankës së Shqipërisë, nr. 34, datë 7.7.2021, "Për miratimin e rregullores "Për kriteret për përcaktimin e normave të konvertimit të detyrimeve në kapital""
4. Vendim i Këshillit Mbikëqyrës të Bankës së Shqipërisë, nr. 35, datë 7.7.2021, "Për miratimin e rregullores "Për llojet e marrëveshjeve që do të mbrohen në transferimin e pjesshëm""
5. Vendim i Këshillit Mbikëqyrës të Bankës së Shqipërisë, nr. 36, datë 7.7.2021, "Për miratimin e rregullores "Për rregullat e brendshme të administrimit të sistemit të Regjistrimit të Kredive në Bankën e Shqipërisë""
6. Vendim i Këshillit Mbikëqyrës të Bankës së Shqipërisë, nr. 37, datë 7.7.2021, "Për dhënien e miratimit paraprak për zotërimin nga Çalik Holding a.š. të 100 për qind të kapitalit aksionar të Bankës Kombëtare Tregtare sh.a."
7. Vendim i Këshillit Mbikëqyrës të Bankës së Shqipërisë, nr. 38, datë 7.7.2021, "Për miratimin e Kodit të Etikës për administrimin e rezervës valutore"

TREGUESI I LËNDËS PËR BULETININ ZYRTAR, VËLLIMI 23, NUMËR 5, GUSHT 2021

1. Vendim i Këshillit Mbikëqyrës të Bankës së Shqipërisë nr. 39, datë 4.8.2021, "Për miratimin e raportit tremujor të politikës monetare"
2. Vendim i Këshillit Mbikëqyrës të Bankës së Shqipërisë nr. 40, datë 4.8.2021, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në bankën e Shqipërisë"
3. Vendim i Këshillit Mbikëqyrës të Bankës së Shqipërisë nr. 41, datë 4.8.2021, "Për një ndryshim në rregulloren "Për mbikëqyrjen e konsoliduar""
4. Vendim i Këshillit Mbikëqyrës të Bankës së Shqipërisë nr. 42, datë 4.8.2021, "Për miratimin e rregullores "Për medaljet dhe xhetonat të ngjashëm me monedhën metalike euro""
5. Vendim i Këshillit Mbikëqyrës të Bankës së Shqipërisë nr. 43, datë 4.8.2021", "Për miratimin e rregullores "Për kriteret për riprodhimin e kartëmonedhave dhe/ose monedhave metalike në Republikën e Shqipërisë"

TREGUESI I LËNDËS PËR BULETININ ZYRTAR, VËLLIMI 23, NUMËR 6, SHTATOR 2021

1. Licencë nr. 178, datë 29.7.2021, "Për të vepruar si shoqëri kursim-krediti në Republikën e Shqipërisë"
2. Vendim i Këshillit Mbikëqyrës të Bankës së Shqipërisë nr. 44, datë 1.9.2021, "Për miratimin e "Raportit të Stabilitetit Financiar për gjashtëmuajorin e parë të vitit 2021""
3. Vendim i Këshillit Mbikëqyrës të Bankës së Shqipërisë nr. 45, datë 1.9.2021, "Për disa ndryshime në rregulloren "Për raportin neto të financimit të qëndrueshëm të bankave""
4. Vendim i Këshillit Mbikëqyrës të Bankës së Shqipërisë nr. 46, datë 1.9.2021, "Për një ndryshim në rregulloren "Për raportin e mbulimit me likuiditet""
5. Vendim i Këshillit Mbikëqyrës të Bankës së Shqipërisë nr. 47, datë 1.9.2021,

- “Për disa ndryshime në rregulloren “Për kredinë konsumatore dhe kredinë hipotekare””
- Vendim i Këshillit Mbikëqyrës të Bankës së Shqipërisë nr. 48, datë 1.9.2021, “Për disa ndryshime në rregulloren “Për funksionimin e regjistrimit të kredive në Bankën e Shqipërisë, si dhe kushtet dhe procedurat për njohjen, përdorimin dhe rishikimin e të dhënave që administrohen në të””
 - Vendim i Guvernatorit të Bankës së Shqipërisë nr.prot. 4217, datë 30.9.2021, “Për caktimin e shtesës kundërciklike të kapitalit”

TREGUESI I LËNDËS PËR BULETININ ZYRTAR, VËLLIMI 23, NUMËR 7, TETOR 2021

- Licencë nr. 49, datë 31.8.2021, “Për të vepruar si institucion i parasë elektronike në Republikën e Shqipërisë”
- Licencë nr. 50, datë 9.9.2021, “Për të vepruar si institucion i parasë elektronike në Republikën e Shqipërisë”
- Vendim i Këshillit Mbikëqyrës të Bankës së Shqipërisë, nr. 49, datë 6.10.2021, “Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë”
- Vendim i Këshillit Mbikëqyrës të Bankës së Shqipërisë, nr. 50, datë 6.10.2021, “Për miratimin e rregullores “Për debitimin direkt””
- Vendim i Këshillit Mbikëqyrës të Bankës së Shqipërisë, nr. 51, datë 6.10.2021, “Për miratimin e disa ndryshimeve në rregulloren “Për funksionimin e sistemit të klerimit të pagesave me vlerë të vogël – AECH””

TREGUESI I LËNDËS PËR BULETININ ZYRTAR, VËLLIMI 23, NUMËR 8, NËNTOR 2021

- Vendim i Këshillit Mbikëqyrës të Bankës së Shqipërisë, nr. 53, datë 3.11.2021, “Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë”
- Vendim qarkullues i Këshillit Mbikëqyrës të Bankës së Shqipërisë, nr. 54, datë 9.11.2021, “Për disa ndryshime në rregulloren “Për raportin e mjaftueshmërisë së kapitalit””
- Vendim i Këshillit Mbikëqyrës të Bankës së Shqipërisë, nr. 59, datë 24.11.2021, “Për miratimin e rregullores “Për licencimin e institucioneve të pagesave dhe institucioneve të parasë elektronike, si dhe për regjistrimin e ofruesve të shërbimeve të pagesave””

TREGUESI I LËNDËS PËR BULETININ ZYRTAR, VËLLIMI 23, NUMËR 9, DHJETOR 2021

- Vendim i Këshillit Mbikëqyrës të Bankës së Shqipërisë nr. 60, datë 24.11.2021, “Për disa ndryshime në rregulloren “Për licencimin dhe ushtrimin e veprimtarisë

- nga subjektet financiare jobanka”
2. Vendim i Këshillit Mbikëqyrës të Bankës së Shqipërisë nr. 61, datë 24.11.2021, “Për disa ndryshime në rregulloren “Për licencimin dhe ushtrimin e veprimtarisë së bankave dhe degëve të bankave të huaja në Republikën e Shqipërisë”
 3. Vendim i Këshillit Mbikëqyrës të Bankës së Shqipërisë nr. 62, datë 24.11.2021, “Për disa ndryshime në rregulloren “Për licencimin dhe ushtrimin e veprimtarisë së shoqërive të kursim-kreditit dhe të unioneve të tyre”
 4. Vendim i Këshillit Mbikëqyrës të Bankës së Shqipërisë nr. 63, datë 24.11.2021, “Për disa ndryshime në rregulloren “Për kërkesat minimale të sigurisë në ambientet ku kryhen veprimtaritë bankare dhe financiare dhe për transportin e vlerave monetare”
 5. Vendim i Këshillit Mbikëqyrës të Bankës së Shqipërisë nr. 64, datë 24.11.2021, “Për disa ndryshime në rregulloren “Mbi transparencën për produktet dhe shërbimet bankare e financiare”
 6. Vendim i Këshillit Mbikëqyrës të Bankës së Shqipërisë nr. 65, datë 1.12.2021, “Për dhënien e miratimit për zotërimin e kontrollit të tërthortë të 100 për qind të kapitalit aksionar të Bankës Alpha Albania sh.a. nga aksionari i tërthortë Alpha Bank s.a., Greqi”
 7. Vendim i Këshillit Mbikëqyrës të Bankës së Shqipërisë nr. 66, datë 1.12.2021, “Për disa ndryshime në rregulloren “Për eksport-importet e kartëmonedhave dhe të monedhave metalike shqiptare”, e ndryshuar
 8. Udhëzim i Këshillit Mbikëqyrës të Bankës së Shqipërisë nr. 2, datë 1.12.2021, “Për procesin e vlerësimit të brendshëm të mjaftueshmërisë së likuiditetit”

TREGUESI I LËNDËS PËR BULETININ ZYRTAR, VËLLIMI 23, NUMËR 10, DHJETOR 2021

1. Licencë nr. 51 datë 26.11.2021 “Për të vepruar si institucion i parasë elektronike në Republikën e Shqipërisë”
2. Vendim i Këshillit Mbikëqyrës të Bankës së Shqipërisë nr. 67, datë 22.12.2021 “Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes dhe të normave të interesit të depozitës njëditore dhe të kredisë njëditore në Bankën e Shqipërisë”
3. Vendim i Këshillit Mbikëqyrës të Bankës së Shqipërisë nr. 68, datë 22.12.2021 “Për disa ndryshime në rregulloren “Për raportin e mjaftueshmërisë së kapitalit”
4. Vendim i Këshillit Mbikëqyrës të Bankës së Shqipërisë nr. 69, datë 22.12.2021 “Për disa ndryshime në rregulloren “Për kredinë konsumatore dhe kredinë hipotekare”
5. Vendim i Këshillit Mbikëqyrës të Bankës së Shqipërisë nr. 70, datë 22.12.2021 “Për dhënien e miratimit paraprak për zotërimin e pjesëmarrjes influencuese (të kontrollit të tërthortë) në kapitalin aksionar të Bankës Amerikane të Investimeve sh.a.”
6. Vendim i Këshillit Mbikëqyrës të Bankës së Shqipërisë nr. 71, datë 22.12.2021 “Për miratimin e rregullores “Për funksionimin e sistemit AIPS Euro për shlyerjen e transfertave vendase për klientë në Euro”
7. Udhëzim i Këshillit Mbikëqyrës të Bankës së Shqipërisë nr. 3, datë 22.12.2021 “Për raportimin e veprimeve të këmbimeve valutore”

